




1110





止齋先生文集
二


Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches © The Tiffen Company, 2007





止齋先生文集卷之四

古詩

始生七章章八句上 皇子嘉王生辰

生為帝子貴本自歷數歸歷數萬億年帝子壽無期今夕果
何夕欲頌皆贅辭但願王此心無忘始生時王看松柏明未
具葉與枝冲然一點春其大可十圍云胡問不茂為失雨露
滋乃知生意同其異各所罹入均此生爾王生樂無涯如將
與人同請自今夕推奉觴十何多子以介壽祺王其敬舉觴
一念周八維百鼎羅珍羞世豈無調飢錦綺爛盈門藍縷遠
誰承龍樓近日月茅舍或不支三宮子孫孫亦有孤與妾吾
方貴吾生相彼多沾危崑伊天地公而獨及我私於焉識仁
端一物豈忍遺當思宇宙壽域咸熙庶人愛靡虞漁人
愛緹鮪萬物欣自遂况也民秉彝家有舉按婦人有磨門兒

王心至於此壽不數者願詩人誦稷功造周本岐嶷首言民
初生父及稷誕彌民命繫於稷此語非夸毗末僚甚拳拳所
愧無周詩

送丘宗卿帥蜀戶部侍郎立公被

命以煥章開直學士出帥全蜀其友生永嘉陳棻作
詩三章送之一章以重別也二章頌也三章以道其
歸也

嘗陪諸老後示與晚進游有能一夕話可洗萬古愁昔君尚
青衫今我已白頭闕下何匆匆蜀江正悠悠一請工治庖再
請拙操舟
好靜從古始尚恩極今時軍使舉國貧勿與一士遺熙寧固
前轍元祐誠良醫我亦欲宴與人方之朝夕持之訊人傑人
傑良自疑

前瞻及河隴內顧連江沱邊籌尚裨壓民瘴須按妙方當上
懷遠况復歲薦薦宜公去旣輕歲月亦易多西人豈不好秦
此東人何

短歌送呂子約丞郡天台

露荷不肯附綠漲石欄自欲當朱明我無一物與君別持此
薦以雙玉瓶榴花結子荷成的定亦扁舟去為客良集偏於
吾輩堅新功或向他山得我歌雖短聲苦長君不能飲酒滿
觴申公何在麗澤死又送冥鴻謀搗梁

送黃子開得縣臨安

西都循吏無墨綬密令忽用為三公仁人遭時乃自見不係
官爵汗與隆黃君峭嶇髮半白得縣吾州滄海東平生經術
久未試今幸小試難為功休聲出自士論眾遺愛見於民力
窮如君作吏豈擇便第勿謂難斯令終嗟余欲歸歸未得觀

政不在漁樵中逢人每似卓傳傳此道萬古君王同

送陳仲孚還里

意勝不受暑交深欲忘言子車今日貽我經何時箋卜鬱豈
無疇頌橋亦有園掛冠特易耳奈何子盛年

教授李夢符惠宣聖畫像用韻奉酬

一藝必有師尚論襄與夔一國必有師尚論骨與伊信知師
道尊分與君父夷吁嗟文王沒斯文屬之誰微言二十篇論
次自學而傳之者類曾其後則子思方當周之衰諸子出
奇王公各師承一語可解頤見之擁篲迎不見頰其眉孟子
獨推尊是惟聖之時奇不本孔氏皆放其淫詞於是尊孔孟
誕作百世師自非戎翟秦孰持此道馳本朝郡為學澤海尸
祝之往往屈萬乘降升廟庭垂我作暮春堂魯論以自隨扁
題落天上鬼道蛟龍移江山護昭回誰敢或訕嗤中有夫子

像來從魯家兒廣文以遺我溫屬尚可追吾今得吾師下視
衆說卑世世萬子孫永此巢一枝

還徐叔子犀帶

徐子贈我舊寶犀宣和國工所事治玄玉十截黃四垂厚且
半寸徑尺圍方廉整不刻毫釐金飾諸末柔丹韋賁之止齋
光祿離天吳海若不敢窺奈何骨相堪衰衣自得此帶逢百
羅我服黑角二紀餘歲月幾半蒙蛛絲識與不識皆歎欸恨
不被拂來陰壅湖湘老把乘邊歷次第三節登王畿 脩門
再入留郎闈上皇一見玉色怡闊步蓬山上切螭向者所恨
今交譏慎澄肝膽得請歸自意未與漁樵嬉急詔境際 潛
龍飛誤恩狎至湛露斯古來逾分天不宜百炊未消萬事非
還觀壙中一解頤吾腰安用爾帶為徐子盛年脩幹支才華
不數紛紛兒請以帶去藏待時拖金縣玉未可知招招車騎

來何遲苦勿留此令我悲君不見在昔十圍終失之終朝三
捷事尤危况我昏睡誰護持亦恐夜半神運蛟龍移

憶筇杖

岷峨山下筇竹杖危者使安衰可仕秦皇漢武窮兵不可得
我獨得之今丞相前年有旨還故園其冬急召朝日邊半歲
驅馳數千里賴有此杖常扶顛倉黃又別脩門去私室無人
謹呵護夜半雷霆下取將兒叫妻啼留不住我聞丞相卜峽
時一物無有杖自隨屬當晏朝立仗久憐我弱脛疲切螞如
今步履隨衰草十步越起九步倒假如杖在欲用之山精海
怪震怒亦不保君不見杜陵桃竹歌常恐失之君山湖上之
風波梓潼使君之贈尚爾耳况自丞相還如何

蘭花供壽國舉兄

山丹吹出青藜火金蝶窺叢何婀娜朱槿更作崔袍紅傘道

風人嘗印可詩懶如辭蟬沒利從旁粲然笑奄有諸香誰似
我素馨蕭然山澤驪至香不數脂粉腴衆步固自有醞藉要
是傍人之庭除何如琉璃千頃水涵碧淤泥不解汙芙蓉幽
蘭獨自倚脩竹生米未始受諸觸深知抱此竟安用周多亦
豈芙蓉福若以滋味屬厭人整衫此身人不足今夕何夕新
風露入秋一雨天西顧止齋有兄永難老止齋之弟愛莫助
但以清白傳之萬子孫歲供蘭花羨無度

東陽郭希呂山園十詩

幽人有遐心郭屋洒澄空况復得此山心事與境同

石清曠亭

一壑亦易得安得桂林林道人偶見之不是歲月深

右桂壑

兩崖東青天中有月皎皎乍可謂月低不可謂天小

右月峽

促膝有仙凡爛柯無小大誰知柘源人不在秦晉外

右小爛柯

嘗聞鳳樓梧梧老鳳未棲令我日佇立不知月東西

右傾月

雲以無心出雲歸亦何心樵牧窺其藏妄意此阻深

右闕雲關

清曉閱草木各具天一水安用學淩玉將以斲不死

右玉泉

涓涓自空來霏霏復不見安得自尤物使我耳目亂

右飛雪

凭欄時獨立萬象皆見前若非着眼高亦是天一偏

右壺天閣

鬻金吾已溉吾纓亦無塵窪石以漚之恐有抱甕人

右石井

送郭希呂

我門閉重重我徑阻且深梅花獨相依聊以慰我心美人從
何來崎嶇自幽尋亦於琢水中而和南風琴菜甲尚可羨新
芻足同斟不知歲已華歸興生霜砧欲別復少住棲鳥歸月
林客去鳥翔飛落花滿墻陰

水仙花

江梅丈人行歲寒固天姿蠟梅微着色標致亦肯時胡然此
柔嘉支本僅自持迺以平地尺氣與松篁夷粹然金玉相承
以翠羽儀獨立萬槁中水膠雪垂垂水仙誰強名相宜未相
知刻畫近脂粉而况山谷詩吾聞抱太和未易形似窺當其
自英華造物且霽威平生恨剛褊未老齒髮衰撥花實瞻瓶

吾今得吾師

止齋曲廊初成

但酒勝如水但花勝如草小廊曲通幽竹椽亦良好止齋十數間足以便衰老簷低遠風露地窄易汎掃淺溪浮薄觴短屏糊舊簾著書僅玄易過客多韋編於中榜退思誰其諒深抱吾思亦已晚吾退盍更早懷我彭澤令仰止南山皓維淵有蒼龍維岳有蕝實煌煌暮春堂三字落穹昊昭回際南極鎮撫及東島胡然迺在斯夙夜俱不保鬼神無世情呵護必有道

次沈儉夫求花水韻

我意何不樂我顏復何快止齋有新畬耕犢角已繭止齋有溪水釣席隨所辰兩山夾精舍佳處追廬峴朋來盡名流燕坐皆勝踐頽然止齋翁心故不可轉厭書或窺園乘興時陟

嶽日月之殺虧木陰自幽顯雨露之密疎草色自深淺翁子一鵬詠初不着姝嬈易老探醇駁風騷較寬褊眠食雖甚佳病患益加勉謗隘况所招詎那能辨於焉更悟入豈但奇排遣寄言子沈子所欲果何件葭水來春田真鴻脫秋獮谷蘭猶見紉月柱不可寒慕遠失之近求多得常鮮請以壯縣才從茲益懷卷深居勿近市隘巷莫容輦有花門擁篲無花地生蘚嘗試玩喧寂何者是負舛舊學狂初心新力費重研何如過止齋我亦精文選

春晚書懷二首奉簡陳益之

百舌喜太甚杜鵑恨何深晚眺斯黃鸝律中宮之音物情自不齊天運初無心道人獨領會杖藜立芳陰百卉得雨露華滋巧相娛但知說姚魏河洛竟何如我方悟吾生箋經未成書安得小學師從之注虫魚

題沈仲一所藏周氏羣公書帖

紛紛世上如落花東風即入西鄰家
亦餘事吾何嗟斯人故國之喬木
枝葉胡然亦派落吾生已晚講聞
熟見欲墮淚那忍讀古來道德功名
上傳世不曾錄物重君不見人間秦
漢異韓錦與頌子子孫孫冰實用

贈章虞卿并序

虞卿相別久意其困場屋舍而宅之也
忽以書說來余喜甚留數日晤語不
但說書諸學無不涉也又愛之甚欲
作一詩亟稱之輒不就虞卿促歸姑
贈數語

予子一別二十年以來街袖書一編
自出已意說百篇至說五諾尤愕然
我今萬事付幽屏是書插架漫不省
子之書意吾已領且探梅花試湯餅

題僧法傳為沈仲一畫聽松圖

古松不知幾千年直幹欲上千青天
椽枝下與人世接冷風過之萬壑喧
猿驚鶴恠樵牧道百鬼愁絕誰傷
紛紛海內絲竹耳何處縹緲來臞
仙整襟拱聽移永日置琴弗顧
儻歌眠松風有際意無盡在騷不
數惟易玄嗟乎深山大澤松不
之斯人往往千載之陳編筆端
若有夜半力一日忽在軒楹
前止齋虛靜對立久晴昊亦
為生蒼烟畢宏常偃骨已朽
畫工一世脂粉便北湖居士
安得此奄有二子雲山傳北湖
居士雲山傳吾詩孰與杜老
起九原

送畫僧法傳雪菴禪師從瑾之弟子

問訊雪庵今何如子來搔首更踟躕
時於戲墨窺禪悅尚想家傳及緒
餘曾點尔各吉尔志陶潛吾亦愛
吾廬誰人解寫二歸意欲放風帆
還挾袂

題瑞安宰朱元成乃祖雲壑莊圖

功成不受富貴汗輕舟扁然而下五湖至今風派在姑蘇我復見此雲壑圖兩坡喬木樛相扶殘山剩水千里餘天際未知何有無一葦橫絕雙風蒲楊花春岸秋尊鱸在在着此儒仙臞世無宗師貌不知誰其嗣之吾大夫

詠梅分韻得馨字

惜樹須惜枝看花須看葉枯瘦按纖穠况此具衆羨千林墜黃埃數點昭青泚誰知霜雪深天意欲玉女

送蕃叟弟赴江西帥幕分韻得獨字

生平未省友松竹愛言從宦輸幽獨子也諸侯老賓客僕被僅緣升斗祿為問江神何世情露月光風送帆幅天意元來向事功謹母遐心自金玉

鼓琴行送許深父同知被詔赴闕并序

迺季秋朔旦上御祥琴公亦始免喪蓋五日而趣召至

揆路虛左以待公者三年矣盛事盛事初某識

高宗所賞之琴僧於西湖晚入太學高宗晏居殊官而僧亦希得進見數與之遊歸琴一張寶之有年今觀盛事而不敢愛持以贈別故作是詩以道其所以禱以為辭焉

辭焉

伯牙非不善鼓琴指下能馮山高而水深亦有師曠號精絕

斐雪白晝為重陰吾琴不以與二子二子不過衰季秋嘆而

悲吟后夔安在九疑遠南風不競鳳鳥瘖恭惟高宗

復古幾得此淨洗禁味朱離任一鼓朝綱日井井再鼓邊拆

秋况沉桑麻萬里皆按堵笙歌三紀無沾襟橋山遺此歲月

侵何時稚頰得所籥不僭寶藏豈愛五重玉市價敢論雙南

金公歸舊隱三霜玷天子恭默思商霖君臣祥琴適相際使

若十輩來駸駸白麻已草弄印久端揆虛左誰當今我抱此

琴病山林不如送公西歸調金鷲但願為作南風音上以對
揚高宗中興之大業下以追還虞舜萬國之歡心

送徐一之客贛上兼簡韻守薛象先

渭水一段出萬壑越玉五重陳兩廂美人去作諸侯客幾年
過澗籌行歲居之迫觀所繫舟夷猶暮春堂細雨冥冥烟樹
蒼竹萌梅實盡此勝別恨豈但山川長章貢分流合江水西
風為我送雙鯉休言相憶強加餐報道吳帆何日起

止齋先生文集卷之四

止齋先生文集卷之五

律詩

新昌詠歸

回頭三十二年非木落霜空水見涯萬事自憐多譽早半生
猶幸一官遲好將翰墨村儕輩去與漁樵相爾誰還有故人
招隱不寄聲橘柚欲黃時

贈石時亨并序

釋氏敵生死老氏無相化而吾儒則曰致壽不貳修身以
俟之所以立命夫無延翅車梁指羊鼎豈曰不知味要不
若飢食渴飲之為至也吾友石時亨喜二氏書晚與余將
讀易論語於其行作詩贈之

要是同根本應須識等差六經無剩語百氏自名家日落山
含斗潮回浦見沙了知來生意萬古一生涯

題觀潮閣

俯拾滄溟大禹陳倉註莽多聞山飛鳥沒吳會一帆過浦長
看沙尾行藏問釣蓑登臨有如此人物付誰何

上閩帥梁丞相生日二十二韻

炎正雖中葉皇圖再造年天潢流少海星緯滌台躔臣主嘗
難並乾坤豈偶然千齡開歷數一氣付陶甄黃屋傳神器彤
庭頌衆仙風雲從此會日月更誰先昔者求侵地何人賦甫
田吳兒咸抵掌曾等欲羞肩廟論惟多士戎功不在邊一麾
分赤社萬事屬青編吾道誠難用諸儒亦自偏才名多漢落
經行矢拘孿洛蜀何嗟及熙豐竟禍延旁羅兼鴈木平步忽
貂蟬甚矣知當寧嗚其望濟川年來羣老行公在萬民懸定
作益梅夢行歌林杜還滄溟宗衆濫衡嶽倚蒼玄要使垂身
後無為慰眼前管絃無弄爵挑李未央天魯燕雖堪頌閩山

不足鐫中原康濟事彝鼎願聯翩

送鄭少卿景望知建寧

過家鄉里敬將母士大夫榮得失從人論行藏獨日明百年中
古少一笑萬金輕廉讓吾何敢新茶可顯英

有志須身健關心在歲寒一時諸老盡多見大名難湖海方
連早甌閩遠少寬為州人不乏千萬強加餐

清廟圖書寶熙朝雅頌音頻繁三節名荏苒二毛侵衣飯家
纔足立園意亦深財聽床下士時作武侯吟

海內言華粵誰名動措紳豈無當世志能忍十年貧酒興新
來減交情老更親公餘如促膝剩把古書陳兼送景元

屏屢誠愚分牢愁更索居若逢知己問猶解課兒書地僻門
長閉年饑菜自鉏相望無一字不是故情疎

庚子除夜有懷

老盆自酌共誰歌嘆息其如此夜何已覺二毛真婦問可堪
一鉢患兒多關河滿眼風塵在天地截身歲月過事業文章
吾所畏東陽人亦卽嚴阿

送沈元誠赴臨漳主簿

誰說鄉先進能無沈隱侯青衫今遠越白髮竟依劉劉人
守道固為名累人當與命謀三台行漸近且勿問歸舟
終歲懷未已欲去事多違士友方推轂鄉鄰但挽衣冥鴻塞
汲汲霜菊晚暉暉何限春蜚動君看果是非

送德遠弟赴省

科名雖細事文字要新切方拙存家學豐腴與眾同江湖多
我友臺省半諸公為道貧非病連膺有火松

和張孟卓歲旦韻

白髮朝看鏡青燈夜數更文章翰善宦名宇誤浮生嚴學兒

剽睡安貧婦盭耕從今定逢吉吾已卜先庚

聞沈元誠歸自臨漳喜而奉寄

荔園班班熟蠟房箇箇肥我雖緣此誤公亦為何歸吏事生
衣垢家山減帶圍不無華家宇卿月更光輝

晚春二首

萬枝窈窕待春風風雨過多春已空未曉啼鶯相喚語海棠
飛盡一庭紅

莫道春歸事已非水邊天際綠成圓隔籬聽得農家語雨過
田田麥含肥

送孫審卿赴壽昌主簿

烏鵲填門雪滿除倩誰騎馬謝雙魚苦吟孫楚三年別飢卧
袁安一病餘仕宦吾人聊復爾夢魂今夜定何如釣臺多是
西征客莫道渠能賦子虛

哭呂大著至明招寺簡潘叔度

小雨崇朝過深秋薄海清故人期不至喬木眼偏明欲往還
何日堪論久此情快也幸無恙應就太玄名

招徐居厚

老來却憶少相過別自何年白髮多山葉抱蟬虫吊夜去看
滄海壯秋波

天台王子木解官長樂見訪

夜深孽荔真愁絕春淺傳柑更惘然世事愛來欺兩鬢人生
堪得別多年琢冰積雪江湖阻樹羽崇牙日月懸此理倉茫
君勿問明朝且莫刺歸船

月夜書懷一首

送客門初掩收書室更虛新篁高過瓦涼月下臨除婦病纔
扶杖兒饒或饋魚今朝吾已過莫問夜何如

道德吾何敢功名代有人倉黃恒畏咎班白慙憂貧細字書
全廢深杯酒勿親靜言空自愛萬古亦泯泯

送周魯山辰州法曹

團樂妻子是誰家獨被飢驅天一涯遠地豈無人悟語長才
能免世驚嗟好於書作千年計勿為官驅兩鬢華為問湖南
似湖北逾年吾亦訪丹砂

游丁次翁篔簹園期次翁不至

徑蹊曲折屋參差半是天成半自治備竹萬竿人獨立我來
搔首菊花期

送朱同之福州戶掾

我自三山失馬餘君方千里門津初衣冠萬室催科易禮樂
元戎節目踈謹勿向人微外事只須着意訪奇書一年正好
榕陰密丹荔黃蕉奉版輿

覓樹栽

覓得循除數畝園，衰遲無力正乾坤。學為老圃徒幽意，富比封君亦浪言。計日若將栽樹木，成陰當待長兒孫。出門悵望春連塢，為向雲屯斲一根。

題仙巖梅雨潭

袞袞羣山俱入海，堂堂葦水若重圍。怒號懸瀑從天下，傑立蒼崖夾道陳。晉宋至今堪屈指，東南如此豈無人。結廬作對吾何敢，聊向鱸魚寄此身。

次陳益之韻戲呈汪守充之

雨過山新沐，風平水漫流。移尊來選勝，立馬步通幽。春在桑麻塢，香團橘柚州。從君詩有律，還我酒無籌。汪守坐上苦吟

汪守三以詩來次韻酬之

一年春事墮槐宮，却愛清和與政通。乳燕黃鸝相倡和，落花脩竹亂青紅。羨君有賦非占服，使君如月愧我無才可送窮。細與論文一博酒，它時還憶暮江東。

江城如在水晶宮，百粵三吳一葦通。桑女不論衰粹白，橘奴堪當粟陳紅。絃歌滿市衣冠盛，詎詎無人刀筆窮。多荷弱等今少露，更能携客謝巖東。

音合桑林律，中宮試聽布鼓亦三通。相從璧水浮葱白，正見酒一別閩山擘荔紅。把釣扁舟將老去，款門多竹未全窮。若為皂蓋能忘我，立盡斜陽車不東。江守樓期

酬謝倅景英用前韻見寄

窮巷蕭然一畝官，勞勞殘刺情誰通。空辭故帻頭垂白，晚對清標面發紅。諸老飄零亡幾在，謝伯之擬將舊學相從問。何獨詩壇欲讓東。

用幽字韻戲簡謝倅

當戶排危翠，循除漾淺流。此生從稼圃，誰與伴深幽。韓子癡
凭按，龐公倦入州。青藜與白飯，却待為君籌。

用幽字韻呈汪守謝倅

挂騎收人迹，簪紉雜道流。引盃忘日永，得句與山幽。行在今
當路中，與此望州為。將登覽，目著處訪邊籌。

用幽字韻答管端老

人皆忘姓字，誰獨訪源流。病驥宜懷憊，遺營故入幽。十年漸
主簿，萬戶薄荊州。此事吾何敢，相將負一籌。

自仙巖還舍留別諸友

瀑布衝從雲一塢，浮圖明滅小千章。在山終愛離山去，遮莫
黃塵流我裳。

送任虞卿教授江陰

學省穿楊未，江城振羽端。聲名人不忌，仕宦意常寬。缺月天
將曙，孤村歲已寒。小舟來話別，此道少人敦。

和謝倅見贈生日二首

朝天冠佩幾，千負孰數東州未。之賢若論中原舊，文物蒲輪
應合聘高年。

獨醒長愛眾歡酣，酸苦隨人却嗜甘。好客不知彈劍缺，聞公
風味可無慚。謝倅絕不飲而善勸客
酒惟容所好獨嗜甘物

再和

休將枳鑿問，方負且引壺觴對聖賢。鴻鴈不賓滄海東，梅花
相伴笑年年。

淺杯莫到十分酣，但愛麴蘗夜夢甘。萬里柔麻風雨好，一夫
尸祿我何慚。

謝倅生日

此夕其如好客何秋風嫋嫋水微波渡江公子今無恙上蔡
家聲世不多未放清朝空老去欲談前事竟誰過阻陪鷓豆
彷徨久坐想風流為一歌

景元益之諸友考試旁郡余夢與步月聯詩得水花
初淨月如銀之句追成一絕

連年汲汲與埃塵誰可論心五六人昨夜夢同天地濶水花
初淨月如銀

謝侔監試未畢事而出以詩三章來用韻奉酬

殷勤送客蹇誰留久待江城未解舟我醉欲眠君且去不妨
懶瓚繼前獻

歸舟莫訝太匆忙會面何曾累十觴孰與持螯霜月下拍浮
酒浪舊陂塘

極欲從君十日歡倦飛終羨鳥知還棘圍觀戰綠何事亦縱

驂騎自出關

沈仲一三益堂

有此名三益之人可晤言游藏無俗物典則似諸昆刺着書
充棟仍添竹過垣翻愁長者轍稀得到柴門

遊金叢趙園

脉脉循簷水林林夾岸山令兒從竹下領客入雲間稠木容
人過懸崖着手攀從今名字出不到徑苔班

海棠絕句

淡月看花似霧中遠燈燭倚花叢夜來月色明如畫却向
庭蕪數落紅

湖樓送客即事一首奉懷益之兼簡同錢諸友

誰家喧馬盞朋簪屋壓城頭水照簷橋柳兩山香盡在蒲荷
十里淨相兼恁將久雨春無賴別在明朝酒未厭甚欲去同

三四友鱸風更捲一江簾時益之尚翰

春晚一首約同志汎舟

匆匆春事竟如何問訊庭前手種花又送行人又風雨半為
芳草半泥沙猶香通國今無恙梅實於人晚更佳莫放此春
齊去盡夜深愁聽一池蛙

用前韻招耆叟弟仍和耆叟癸卯二絕

細看物理愁如海遙想朋從眼欲花逆水魚兒衝斷岸貪死
燕子墮危沙百年喬木參天上一昔平蕪着處佳行樂不妨
隨邂逅我無官宇似蛛蛙作蛙通
落花風雨奈愁何愁亦不應綠苔花尚可流蕩追詢水底頭
占鵬似長沙孟夏無人晤語鳥鳥落為我食貧樓筍佳休說
關河無限恨腹非空怒道旁蛙
大饗頂三餅中黃起四維欲追千古意眼底合深思

功名還壯士道術付諸儒但欲謀田 扁舟下五湖

送翁誠之尉慈溪

徐劉文采後鄒魯典刑間為母求三釜令人見一斑時平無
事立地僻得官閑好索梅花笑題詩海上山
詩律吾將問心期孰與親明朝當異縣永夜更懷人為友逢
三益明農識大臣可無相問訊勿道鬢毛新

和陳仲石韻

久矣懷相與翩然喜見臨清風生紫 短日過牆陰王事何
時暇神州半陸沉諸公宣力去伴我水雲深

送謝懷英道士歸廬山懷英棄儒服從皇甫道人游

晚入東宮賜號觀復大師

場屋收餘策匡廬寄一瓢款門如有欲委繫難招菜甲留
終夕蒲團共小橋崆峒他日問應記說神霄陳英自言持壺
夢遠過談因事

悉甚

一別忘年月重來失故初美爵今幾尺衙袖竟何書謝嘗持

子實錄并皇甫記求

題政余未暇及也勛業諸公在表邈半世餘許身無補報

吾亦欲樵漁

送陳持中赴四明節推二首

更無人未識東州曉得吾宗第一流編啓在縣金奏合清水

出壺玉壺秋喜繞一見還分袂懷欲多言但倚樓亦有鄮山

三四友可令觀政話然不

前修恨不為同姓更有楚然喜似人歲晏得君顏面好天涯

從此尺書頻政頌有力周扶世業已將名自紆身它日雲臺

勛績上南陽應記舊比鄰

乙巳歲首寄彭子復徐子直

又過一年空草草尋思萬事太勞勞歲煩士友愁薪米日見

兒童嘆鬢毛亂卉各隨分寸長新禽已變兩三號及時君亦
圖良集莫待春深水一篇

次韻奉酬丁少詹見過同遊仙巖遇雨而別

佳人何似似江梅邂逅梅陰共舉盃欲與溪山成勝話却因

風雨得空回新詩報我春乘興小徑從今日掃埃自是衰遲

愁獨立敢論名字望朋來

瑞安宰劉伯協載酒遊趙園叔靜道甫子宜行之同

集小雨喜霽

上已所餘春有幾不堪風雨付春愁君能載酒知誰伴我欲

看花不自由倚屏小舟謀未定隔林斜日故相投萋苔踏遍

篝燈去收拾殘紅插滿頭

和丁少詹韻

盡日支頤聽雨聲閑中惟得自知明朋來何敢煩公等老去

方慚負此名待欲短檠看少作敢將尺牘論交情區區却望
從容意要莫令人一座傾

明月隋珠忽隨前坐令衰颯意飄然無端太史頭搶地安得
揚雄賦上天前筆門墻餘幾在他時竹帛竟誰傳落花流水
君愁不南渡于今六十年

病餘又不翅郡且還仙巖書院於屋西有懷同志

欲往如天際相期忽歲華山空明獨樹江晚暗連葭作屋皆
三益藏書可萬家豈無人果餘躬自灌園芽

酬陳願剛見和前韻

離合皆天意盈虛幾月華家纜辦蒸菟吾亦逐蘆葦憂世還
當路論兵有故家深深看踵息陰火養黃芽

寄謝景英叅議夢作寄詩覺來追記兩句竟夢半年

皆草草鬢毛一別益蒼蒼足成之

故人不見吾何遠欲見其人已異鄉竟夢半年皆草草鬢毛
一別益蒼蒼籌邊淮海何遲暮乘障湖湘亦阻長及此居閑
宜問訊頭書須待滿林霜

寄題翁誠之慈溪縣尉廳無我亭

星月明當戶烏爲下傷人小亭長獨立通國自相親置尉緣
求盜居官已幾真須知三尺外敲榜亦深仁

和郡守沈持要賞相之什三首

滄海無波日萬艘山農困廩自相豪爭看紫橐行阡陌可對
黃甘負酒醪曲水一觴隨意集成都千騎軍頭邀風流儒雅
誰公似增得東嘉地望高

東都門外開征艘去國身輕亦太豪誰可對床聽夜雨自於
同社燕春醪不知溫詔從天下又罷幽尋與世遨從此宜休
堂下夢願瞻松栢為誰高

仰止若溪近一艘幾年猶未識人豪黃堂為客知何夕白髮
從公飲此醪四海衣冠多後進兩朝几杖舊同逮令人仰視
宜真翻不道微風燕雀高

和沈守持要觀潮閣留題

平生欲賦觀潮閣立盡斜陽倦復還一日江山蒙筆力百年
名字滿人寰郡從晉宋風流後詩到蘇黃伯仲間向去摩挲
看石刻誰知功在十年閑

閣居

奉陪王德備登觀海閣兼呈邑宰劉伯協

觀潮閣在東溟上有客來登自華陽不道雪山通老栢却看
朝日上扶桑勝游氣合南三郡剛揚益也妙畫蒙傳晉二王
後會不知誰與繼爾江吾海水相望

落成王朝奉廟以薄恙不獲預謝劉宰并諸鄉文五
首

盜起清溪兩湖空童王親自帥元戎誰知小邑無亭障但墜
空券有隱功

橫塘一字比南金滿紙書勞屬意深太史不知收拾未邦人

父老淚漸襟許忠簡公嘗手疏王公
齊守禦事欲列諸朝

操一豚蹄亦可憐欲將廟食自推賢築牆頽壁神臺豈不見
干戈六十年

却向平時念後艱穰題百尺忽如山誰將西上逢人問令尹
何如此一斑

抱病荒村望欲迷駭奔無數獨鷄樓瞻言擊鼓何時歌好聽
農郊雨一聲

和沈守持要題謝公樓額

危樓何在水雲中穿市才旗退自公閑作此來橫笛夜愛看
人醉落帆風歡呼夾道江聲合硬語蟠空客技窮姓字從今

聯沈謝不知千古更誰同

沈守生日

燕寢凝香不記春宜休堂下栢輪囷三吳南渡今多士四皓東宮此一人雅不欲書名上上謾令在處歲陳陳王卮宴罷思黃髮應合從頭第從臣

觀南塘四首呈沈守


曾不容舳舻尺問誰知救溺合纓冠今從枕席人行過充隨語最好翻盆雨後看

夾道歡呼百里間不論扶杖與勝冠公年幾許願何似遲放牙濤待我看

樂在宜休水竹間十年黃帕裹朝冠却乘五箇花文馬來與江村婦子看

別乘潘郎伯仲間榻來公適去彈冠更將未盡公碑意收入

新詩為並看



正齋先生文集卷之五

止齋先生文集卷之六

律詩

桂陽勸農

雨耨風耕病汝多，誰將一一手摩挲。
幸因奉令來循壟，恨不分勞去荷蓑。
涼德未知年熟不，微官其奈月樞何。
殷勤父老曾無補，待放腰鎌與醉歌。

九日奉呈同僚四絕句

澤國重陽花較遲，
運符花健。愁余家人醉鷓豚，
社獨對。

西風憶鱸魚

小雨庶纖僅滑泥，
強隨年少更攀躋。
欲憑最上浮圖望，
晚稻如今齊未齊。

臨風遮莫晚山佳，
自古功名看鬢華。
幸自不知余種種，
可教容易落烏紗。

領客山危亦既懼故人往往去歸班明年此會知誰肯為上
吳山望楚山後授將赴關

柳守丁端叔以九日詩至次韻奉酬

十年不見尋常事九口相違咫尺間橙蟹渠能進勝賞養性
貌與奉慈顏近村酒店更爾醉乍可詩筒略往還新將通聞
臨遣罷鹿頭吾待望吳山

壯不如人老更遲可憐赤宗余鄉繼膺使賢方伯誰激

西江活鮒魚

生怕端歸趁紫泥綠危方藉得同躋交鄰誼與春秋並應許

減孫數告齊

夏畦不病晚種佳筍笑將詩補黍華散百為千吾馬似深山

窮谷徧籠紗

不因與國近交歡水齒相從髮已班多見長才無有繁豈辭
一簣竟為山

再用前韻簡丁端叔

乞鄰亟只報何遲愁絕飢吐一勝余上有加餐下相憶莫同
沉汎寄雙魚

閉關饒着一丸泥我亦前坂更後躋四海弟兄君看取奇風
不斷鴈行齊

事到難時意轉佳聲名早已動皇華撥煩自古書生短只合
橫經住絳紗

絲吳入楚共悲歡懷欲班荆竟未班直待還艦願銜尾洞庭
彭蠡浪如山

和丁端叔竹梅二詩韻

空皆爭若下琅玕全楚何人巧耐寒誰伴八龍長傲雪蕭然

一榻臥袁安

管領春風別有天
不論水際與山巔
祝融玉立湖湘凍
獨付寒梢笑粲然

丁端叔送牡丹以詩來用韻用之

覺省他年見一班
老從湖海看春顏
瞻言百里幾相及
仰止高山竟莫攀
每事乞公留上策
不才容我著中間
一時公論方當路
愁為絲麻棄廟管

客來談政已班班
况復書滕一再頒
亦欲頡頏相上下
不容分寸得躋攀
花猶河洛承平詩
在黃陳革行間
簿領後人塵襟面
沃如雲霧下茅菅

和丁端叔歲晚書懷韻

來涂藍縷雪埋人
三百於今又六旬
奏課定應書下班
春聊復喜津津
餘蔬被壞農亡恙
茂草連扉盜自新
曳杖康頭

時極目炊烟齊起兩州民

丁端叔送海錯以詩來用韻用之

澤魚山豕各忘年
味可勝窮總所便
堪笑荆吳相俎豆
遂令蠻觸自矛鋌
食無誤蟹車同軌
貢不徵蚶澤漏泉
我在窮山入迹罕
亦蒙惟錯饋甘鮮

酬王判官和九日韻一以歸德於部使者二寄郴州

使君三以為謝四奉留也

皇華六轡按倭邊
博採參差到接余
謝辭也 我獨內慚無具甚
萬家亦免釜生魚

想懸榔桂一雲泥
夫子聲名正日躋
乞與早移河內粟
牙牌歸聽報班齊

翩翩公子一何佳
銜命窮山薄歲華
獨自把將詩過日
不知梅影下總紗

懷自何年晚見懽匆匆惜已 聲班青芻白飢吾何有風月
猶堪倒玉山

戊申騰桂陽喜雪

月不能明雨却稀山容野色夜輝輝清霄下際難瓊闕仙仗
前驅萬玉妃亘古嶺旁冬不到從今湖外歲無饑來年此日
吾何適蓑笠寒江一釣磯

再用喜雪韻一以書懷一以喜客

南人見雪古來稀見只愁吟草木輝留鬣氈毛窮漢使說開
園角老胡妃我嘗豪健能無褐今已衰遲要不饑北望鴈門
腸欲斷春蒲空老舊漁磯

庫雨蠻烟此後稀山童亦與借餘輝爭看往穉相呼喚下豕
饑烏自匹妃苦乏糶表堪夜永喜無嫁子着冬飢興來那况
山陰客為我扁舟倚石磯

題范秀才萬卷堂

雅尚時相背幽棲我數過兒應看客慣田孰與書多自折唐
柳縣誰聯漢甲科儒門今有此天意定如何

和段君仲衡同令嗣天晴少出之作

文字時高下功名勢去來誰人堪語此吾道竟懷哉構幼安
容膝巡簷笑索梅巷門通後園今數為君開

陳頤剛注孫子許拾遺贈詩用韻寄之

千帆過盡獨舟沈玩世勤勤踵息深何自著書今白髮不禁
戀闕此丹心詩來滄海珠盈把人在掖垣梧十尋應為一編
三致意細論小雅到交侵

和段仲衡蕪樓新軍額二首

德鄰為書軍
額以立春日揭之

筆落元戎重詩成坐客新蕪門雙杜觀邊將一團春夢破盤
行五名存甕得銀監今無復有哀遲亡補報着意與民親

寒消晴後雪光轉凍前風歲已宜麻麥人猶厭芥菘樓頭千里望筆勢萬夫雄及此吾何力天低露草豐

和蕭俊仲司法詠譙樓新軍額韻

海濱驅馬過湘濱喜及今春憶舊春公燕有時令市酤村春不繼待炊新巖城鼓角留三字當代衣冠第一人看取吾民繇此去萬家雜犬永無塵

送洪子端還鄉子端孫

將相三陳後文章兩漢餘英標還有此天意定何如海內相離合年來半毀譽未知貪尚友孰與鄰侯書

送吳德夫

嶽麓樓頭卧湖湘眼底空聲名無處着容止與人同白髮何多日輕帆不待風脩門春漏淺封事情誰通

揚伯子以其尊人誠齋南海集為贈以詩奉酬

辱與門牆最不遲白頭方誦嶺南詩文從嘉祐今三變人在廬陵此一時細數儒先能幾見獨憐歲晚欲何之瀟湘直下長江去得望蓬萊却更疑

潭帥潘德鄰生辰

落南添得黑髭歸歸與相忘草木知嶽麓沈沈秋柝靜湘波穆穆夜帆遲人間公論今何在柱下家聲此不疑聽歸心好但欲公年如衛武為留淇澳變風詩

衡守劉子澄以詩來和韻奉酬

曳裾朝路不同時謀食衡湘亦把麾一見相忘光可鑑十年何在怒如飢力堪扶世將誰可語不驚人或自危夜雪埋山江欲凍依然春信在南枝

遊南嶽

天作之山曷為哉遙知閭闔正南開兩川文武長江下百粵

車書五嶺來，紫望久為周。墜典寧愁多，見楚遺才不知愁。岱還何似我，欲將書寄鴈回。

登祝融峯喜霽

仰止扶藜鬢髮蒼，恰當風雨暗三湘。為誰一闢天無際，及我重來日未央。江過數州多曲折，山緣長畝半青黃。老僧耐得從頭問，問到吳門竟渺茫。

和沈帥持要張漕李長韻二首

欲杭一葦近，聲老恨不先。期燕午涼，舊學甘盤聊。此日倦游司馬尚，他鄉別從滄海山。橫斗謂別流於嘉華蓋水來自岷峨，水溢觴不謂偶成三。楚客得為蘭杜附，諸香麾節元戎祖。席光晚風吹雨借，初涼師傳問訊誰。書院石刻摩挲是道鄉，聞有先聲來召駟。想無後會到流觴，路朝正設橫經席。冊府重綉辟蠹香。

送沈帥

甘盤夢不入，高宗四皓莫。知其所終傳，野有人能論。學漢庭無事，可言功行藏。於此嘗成趣，談笑從今得。退公分付諸兒理，民社宜休堂上聽松風。

携客過王提舉園訪梅劉連州以詩來因用其韻

屋後雲梢萬箇長，屋前風蔓一川芳。有梅自索巡簷笑，無酒還酤踏雪香。偶與三劉同下榻，却懷二宋對持觴。劉景集潛故云伯華伯華也半客皆懷伯景文公後寫將詩句吾何敢，款乃聽人及曉湘。

再用前韻簡劉連州

吳楚相望道阻長，我來邂逅挹羣芳。人如盤谷元非隱，詩到孤山不道香。每與盃簪移永日，更須篝火及餘觴。何須詩去東州說，不學藍關獨吊湘。

小詩為張漕壽一春苦雨張漕行部謁徽祠而霽是日登祝融

皇華散作九州春老穉
夾道陳韓子莫愁今夕雨甫候
元是此山神我雖載酒
算孰與將詩附不泯他日中興

編小雅若論孝友更誰人

謝司馬倅惠東坡竹石

出自坡翁餘百年傳之溫國子孫孫兩家文物來歸我便盡
投簪去社門

和趙帥餞張漕韻二首

但得梨麻徧楚間此心不在大夫環落花流水深春好畫戟
清香永日閒英蕩偶來成勝賞萱庭孰與奉慈顏正應得白
尤奇傑可繼淮南大小山
使者耕時出省春聯翹珠玉又前陳先聲所暨插山嶽落筆

相豪位鬼神嘉與九城俱吳祭訖無一事尚勞泯獨慚哀情
歸何晚亦著中間作原人

題米陽黃宰詩卷

詩卷來何處棠陰日夕佳令人添白髮及此有黃花事業誰
千載文章各一家何時定還闕解拖向長沙

送黃元吉性行靜

荷君來意固非輕曾未深交意便傾語到七篇無欠少學從
三書已分明每懷前此傷標置頗欲從今近老成為謝荆門
三益友何時尊酒話生平

懷歸丐祠

久矣懷歸曷月哉冠纓吾欲濯吾埃天寒病馬尚遠放日夕
罷牛宜下來名家翰墨書還蠹蓋世功名骨已苔孰與東籬
訪黃菊柴門終不為人開

送范東叔歸帥潼川

楚山黃落洞庭波背却鷄人問釣蓑歸思甚於三峽壯才名
空自十年多曩游記得青燈在後會愁如白髮何我更有懷
言不盡故將短韻代長歌

送丁懷忠教授象州

二毛羈旅久一醉瘴鄉輕把酒時相屬令人意自平校官無
簿領帥閫甚聲名應仲實所恨冥冥雨梅天不宵明

長沙鵬月雷是日約宴趙帥俊臣聞雷乃罷越三日

雨雪帥喜以詩相賀用韻酬之

民欲遮留上欲來趙時長少茂嫩嫩欲欲還政聲無聞到與
臺道迎和氣收蠻瘴彈壓餘陰壑楚雷已是因風成柳絮會
須逐馬見銀盃一觴好上公堂壽不為梅花昨夜開

又和

冷氣反汗為味氣米長沙千里一瑤臺新炊頓頓匙抄玉熟
睡家家壁撼雷天直於人如合券公應憐我欲停盃向來韓
子誇精禱雲合衡山特易開

趙帥復賦詩來用韻酬之

天水交光地欲無中間老子獨軒渠一蓑漁隱真堪畫萬玉
龍驤不可看已卜菑畬何幸甚却憐藍縷更愁如莫將此惠
長私楚好上甘泉屬屬車

用韻詠雪簡湘中諸友

夾相而住一塵無不在瑤池在石渠氣蓋松蘿誰與競令行
頓頓自相屠山光際水天無間夜色通朝月不如中有一翁
鬚皓白蕭然野鶴亦乘車

贈張孟阜絕句

燕坐何曾論古今束書高閣反求心若能領會無多子絕勝

相從歲月深

用趙帥韻為孟阜解嘲

恨無毫髮老波瀾世有曹劉亦後班堪笑燕人登瑛腊欲隨
圭璧上三壇

登祝融峯觀日出

星月凋零萬象昏誰能先我見朝暾東南已得乾坤正變貊
方知夜旦分但覺滄溟浮佛屋却忘衡嶽近天闕迢迢下慈
山腰寺人世烟雲尚吐吞

舟中奉呈趙帥一首且速迎待相與滿歲

曷不放言追鵬賦豈無幽思續離騷去年比屋餘三釜用黜
字昨夜沿江長一篙白髮豈曾緣吏役青衫那更有兒曹魚
軒肯為公來否相約春光訪蟹螯
除浙西憲舟過釣臺有感

一再登臨萬事非裹頭還已雪垂垂敢論筆力今無恨欲附
碑陰始不疑臺閣有人堪共政江山如此且隨宜論功漢鼎
吾何有自是風流百代師

止齋先生文集卷之六

止齋先生文集卷之七

律詩

上皇子嘉王生辰詩三章

兩宮頻燕喜
父舉萬年觴
會慶川方至
重明日未央
聖賢何繼世
孫子更宜王
聞說斯干夢
祥占近一陽

造次依儒術
朝迴只一經
更無他嗜好
端是衆儀刑
符應當良月
聲華自妙齡
帝垣從此日光燭
祭前星

要識皇圖永
當觀藝祖初
維持今盡是
四復更何如
庸陋誰推轂
衰遲此曳裾
慙無為壽具
獨袖一編書
竊謂善祖實及之

素起歲會飲湖上
出示古刻酒能各携桂花以歸因

成一絕

湖光不動見魚蝦
敗紙殘編數十家
巖桂叢中三四客
醉歸人得一瓶花

又和

湖上簾須半捲，澗冰雪藕，各名家。有人不解長安飲話，極
茶鐘吸井花。

寄陳同甫

古來材大難為用，納納乾坤着幾人。但把雞豚燕同社，莫將
鷺鴨比隣。世非文字，將安托身，與兒孫竟孰親。一語解紛，
吾豈敢祇應行道亦酸辛。

送辛卿幼安帥閩

長才自昔恨平時，三入隋門兩鬢絲。麾下可能長夜飲，花間
却學晚唐詞。潛然北顧，關河水簡，在酉清日月遲。乘鴨雙鳧，
滄海上與君從此恐差池。

送盧郎中國華赴閩憲

相望千里馬牛風，聯事湖湘各已翁。造次便呼兒女見，綢繆

略與弟兄同百年，又是梅花發萬事。何如荔子紅欲附使軺，
嗟不及却憐身在俊壘中。

送范大著文叔知彭州

中書世祿今無幾，唐鑑家聲世不多。安得有人賢若此，忽聞
去國意如何。同朝最是頭先白，知己還愁語太苛。盡欲讀書
三萬卷，蓬萊未必似岷峨。

和劉進之韻兼簡吳阜之

憧憧滿眼事何稠，落落論心思獨幽。去國未能身一葉，懷人
但覺日三秋。池塘春草方同夢，江漢歸舟更別愁。安得蕭韶
儀兩鳳，不妨燕雀自朝啣。

初夏有感因用前韵久旱適得雨欣然卒章

湖山嫵媚綠陰稠，誰向芸芸得趣幽。半破榴花方恨晚，新來
燕子未知秋。去為吏隱雖吾願，歸得家山政自愁。賴有雨聲

寬百感忽如孤鳳見羣鳴

玩潘德久之官建康

平生不解通毛刺萬事無能改鬢華豈是襟懷堪逐旅直須
詩句可名家老為賓客後戎幙強使妻孥理帽紗不有將軍
寬禮數新愁却恐隨江花

同游張園酒中各嘆明年未知誰與共會余最衰病
宜去因作詩識之

春過新烟能有幾愁生飛絮轉難禁可憐衰白隨年少愛看
殘紅到夜深一輩衣冠方事事故園松竹已陰陰明年共會
知誰共鴈蕩山前寄好音

次韻奉馬方輝先

也知朝士况山林猿鶴相懷愁亦深屈指落花年徑再斷魂
獨鬢日侵尋向來相與期何事老去誰能會此心多謝故人

重話舊獨憐志古定遺今

送倪正甫侍郎賀正

雪析冰芽又復春中原

胡兒夾道陳老去獨慚

關心處應記幽燕用事人

觀屬車塵權呼漢節從天下愕立

偃蹇君行決意問經綸顧瞻河洛

喜雨

天顧於人略有情片時放盡越山青老農望外扶犁立倦客
愁邊擁被聽塵鬢欲清聞闔道井花已上轅轅亭冥冥直待
黃梅熟未要風池看釣萍

送曾繼先赴山陰路幹

鬚髯白盡猶強飲髀肉添多未跨鞍不向胡沙覩矢石却來
橋塚護衣冠歸舟自此長相背薦墨于今尚未乾只恐燕然
他日事獨無名字可同刊

送何起叢之江東

苦吟海內知音少，獨往江東問政頻。我亦他山於此別，世無吾黨更誰親。六朝故實皆新句，一代風流尚幾人。話次儻懷無恙否，為將衰情再三陳。

上元日同京仲遠趙德老羅春伯謝子肅訪郭敬帥游鳳凰山次韻

層雲飛鳥共危欄，江漢朝宗萬折盤。玉氣信知千古盛，聖圖元自九朝寬。公餘曳履探珠勝，酒罷磨崖記衆權。衰惰不知能健否，相從河岱弄柔翰。

癸丑冬車駕過宮留相還朝

一聲警蹕接天齊，馳道無塵馬不嘶。月御順行隨日轂，乾端和氣匝坤倪。三槐相繼歸公冢，細柳還須聽將警。老矣尚能歌二聖，不應專美在涪溪。

和樓大防尚書送行韻

齊年兄弟又齊名，商略行藏共此生。自昔從君瞻馬首，如今輸我與鷗盟。讀書松竹交千載，曳履星辰聽五更。借問塞翁誰得失，請無一語到留行。

折子明提刑自湘中以詩問訊用韻屬之

久立天涯詠武徵，胡然華髮尚

望歸簪屨便莫

君恩到蓋惟當世，豈無君子論

人詩湘中一似

桐鄉好安得扁舟着釣絲

泊釣臺灘下

今歲僅餘今夜月，此舟三泊此江沂。遭逢明主還遺恨，慚愧先生獨見幾。泗水列侯多不免，湘山四皓竟安歸。漢家故舊嘗枚數，孰與東南一釣磯。

臘月望泊舟釣臺灘下賦詩既而登婺文明遠樓論

之鄉大陳德承同集黃奇卿張伯廣因書以道德承
之子性甫直甫後春六日奉和德承韻柔簡奇卿伯
廣為別

行藏獨倚少陵樓
怨鶴愁猿孰與儔
嘗與萬人爭魏闕
何如一壑老菟裘
追隨士友從吾好
領略江山自此遊
急趁梅花理歸棹
雙溪為我亦西流

贈杜伯高

臘後玄冥意氣驕
餘寒造物亦亡聊
風收夜雨春何淺
雲隙朝暾雪不消
真悟此生纔半歲
恁聽何處是三朝
察然一笑將迎我
頗有江梅慰寂寥

除夜宿慶州天寧寺

人言老去不如初
我愛初心老轉無
懶向門前題醉墨
喜從人後飲屠蘇
杯盤甚簡眠須早
禮數多寬拜要扶
况復駒駟

僧紙帳雞人不聽禁庭吟

寄僧嗣清

衡陽傑閣宵人記
淮右豐碑刺史書
永已橋山藏劍佩
空餘雲漢照林廬
河圖萬古陳東序
汗簡諸儒校石渠
誰道幽深窟衲子
乞錢買石更崎嶇

余與嗣清作雲章閣記
欲刻之衡山不果
今清來致舒州吳使君所書閣記
石刻一本蓋授子山碑也
於是壽皇晏駕一年矣
讀之涕泗交下
頃為學官逮事壽皇滿歲當罷去
而對班尚在數月之後
遂乞補外晚為祕書少監會聖政書成被旨詔

重華殿進讀首篇

壽皇色甚康
顧視良久益恨平生之不遭也
因作詩詒清以附碑陰

蔣處州仲可惠酒

括州太守 亭侯及與前時一輩游刺欲池塘看芳草謾隨
烟雨上危樓無錢可解催科拙有酒能寬放逐愁可笑杜陵
嚴武客時時傍舍過塙頭

再寄用前韻

幸無骨相可封侯歸理先人舊釣游山下剩栽諸本竹水邊
須着數間樓羣書可讀自隨喜一客不來誰與愁時把釣絲
銷永日魚兒亦得兩三頭

丙辰寄國舉兄

是間南極老人星喬木俯藁亦有情直向朱明為後殿不隨
黃落入秋蟄兒孫家來看新出兄弟團團得晚成笑鬪世人
心事短却從黃老問長生

送長溪高國楹從學朱元晦

洛學今無恙東南屬此翁從游雖已晚趣向竟誰同一第收
良易遺經語未終端期定何日我欲叩新功

以兩鶴壽薛象先

日與山農共一壘不應家有四乘軒殷勤不送平齋下為看
蟠桃熟幾年

重陽日寄瑞安劉宰留宰以是日宴新第人併見招
不及赴

落帽沾衣總失真追隨萸菊亦勞神酒無肴核依然好家有
溪山豈是負沈瀟從空來夜氣青冥隨處際秋旻不知此是
登高否為問慈恩塔上人

和林宗易菊枕韻

一歲所餘秋有幾重陽偏與老相催每憐白髮能長健雖愛
黃花亦懶栽好景游從須好友新詩風味似新醅人生適意

無過此恣聽東籬早晏開

和沈仲一北湖十詠

北湖只隔嶺頭雲誰在湖邊問訊人若得小舟通我過雨晴
須破半時辰

右北湖

人去岷峨水自流豫章三字竟沈浮懷人好上層樓看木落
山寒不肯秋

右豫章閣

可愛南山與北山北山上有斗芒寒碧雲歸盡人何在更捲
朱簾到夜闌

右仰止亭

平平下語及雲管學對詩人豈不難莫似人大芳潔湘波
千古訴椒蘭

右葯房

一年曾得幾番圓恨不驂鸞上麝寒占得波光須細斲恰聞
滄海已狂瀾

右稷波亭

欲來花底竟差池我有佳名誰與歸翌日看花天一色孤棗
猶自織寒機

右粹白堂

借無舟楫亦褰裳目斷兼葭水一方今夜不來同剪韭隔山
明日事茫茫

右遲客臺

菅草須鋤莫放深竹須剪伐待成林一花一葉皆相附要使
兒孫識此心

右萱竹堂

紛紛萬木盡西風，獨立霜林我御冬。澤畔無人誰着語，止齋但護紫泥封。

右楚頌亭

余雅愛頌亭之語，中一欲以名其亭，一日出所藏潛邸頌亭二字，遂改今名。

看花只為兩愁人，一片纔飛滅却春。獨此得春無盡歲，每於愁外見精神。

右宜雨亭

周宣義三子仲敏明

幼謔同羊，登第因以前韻奉寄。

營營浮俗屬還真，孰與傳經妙入神。一榜及看三子貴，數椽能忍十年貧。自將孤矢書間史，便使冰淵誦小旻。家學如君今有幾，殷勤羅拜我何人。

再次韻簡新第諸人

行酒何如溫太真，風流元不鄙錢神。扁舟容我歸來老，一子令人買得貧。雖有羣仙來月窟，欲扶衰力上霜旻。吾今已定

漁樵約助業，頌公一輩人。

送瑞安尉林叔全尊人還鄉

論交海內略飄零，最晚相看却有情。不以一經誇魯謔，自於二子識徐卿。橘香贖與蜂衙晚，麥信急催鳩喚晴。天氣正佳，歸恰好，莫將愁思為空名。

送林叔全秩滿歸四明

三年絕境與誰同，雞叫柴巖犬巷中。但欲戶庭多暇日，不將鞭朴奏膚公。相期霄漢搏風翮，每見燈花綴玉蟲。此去達人臺閣上，丁寧真道止齋翁。

送雪庵瑾禪師還山

五馬逢迎甚闊疎，滿朝問訊近何如。諸公極有遲留意，一日連收竟別書。佛法盛衰千劫後，人生老壯百年餘。向來游舊今亡恙，願得斯人尚起予。

周和叔通判雪寒索酒戲用來韵以將朋尊

持盃雖念故人寒欲予還不似印刊此債豈應行處有題春

何日寄雲安和叔云

奉和周蕃伯用王道夫韵二章見寄

森森萬木一精廬黃卷青燈自卷舒却肯追隨三舍遠不論
聞問十年疎遺賢公已長懷王老圃吾方欲荷鋤安得謝巖
題壁處一尊相伴著芙蓉

論定千年後心寬萬事平吾方慚鼠伎安敢道鴻冥門戶雖
入境溪山亦世情半天喬木立盡日好禽鳴

壽叔祖母映先人

三陽昨夜轉洪鈞鳳曆今年又紀寅再拜與君觴壽母更生
猶我面先人兒孫夾侍渾忘數梅柳前陳不記春從世常為
湯餅主賸看諸婦抱麒麟

東陽杜季高遠訪詩以送之

當世關衰壯斯文看合離強餐吾豈敢後會子何期村落秋
彌好溪山曉最宜逢人相問訊所欠更能詩

春日和林宗易韻

白與紅兼盡落梅小園獨步日千迴浮空曉色臨無際排闥
春光撥不開學語新禽更後轉鋪茸細草雨邊采却憐追逐
今無力放下簾鉤就麝煤

移花

櫻柳初無素與蠻可持何物伴身閒欲栽花木千餘本但候
春風還未還

送花還宗易

酷愛看花懶種花知心惟有故人家花開今送花殘取娛老
扶衰度歲華

遊鳴山寺徐一之兄弟載酒即席和其韻

積歸春力不勝驅風雨尚愁人
搵裾掠盡殘紅前日樹催還
新綠去年禽相將興盡隨花
舞賴有朋來載酒車但得從
今身尚健吾鄉風物勝匡廬

和徐叔子用林宗易韻見示

相過風雨獨何歎校酒論文已
不如方信深交相戀嫖却因
衰遲更躊躇吟生池草書成束
飲落簷花醉墮車明日待隨
公等去我頭應始自今梳

和徐叔子勸農韻呈留宰

親從蓑笠問飢寒赴愬人人得
犯顏更向棠陰聊慰芟要今
粒食共鮮艱身歸雨露司存後
詩在山川刻畫間飽飢之餘
賦納和止齋應有幾年閑

遊金輿趙園賦海棠梨花呈留宰

海棠故作十分紅梨更超然與雪同
文物英華周盛事風流
玄遠晉餘風

赴留宰寶壇之集因和蕃叟弟趙園韻

一枝纔放前村雪一線初開愛日天
瀋縣風流凡五客趙園
名字亦千年可無餘賦如難弟恨
不曾來有尉仙待得中興
用循吏更於此地設離筵

示留宰

縣樓即日氣橫空施及觀潮亦奏功
曾上石崗看蟻穴當園
一飽到三農

或以詩送來禽次韻奉酬

連年栽樹未成陰積實堆盤慰我心
手把新詩堪永日休誇
法帖送來禽
隔水佳人久不逢祇應我懶或君慵
感時相饋情何厚却說

雲泥笑殺儂

遊雲頂院和徐叔子韻

老大生憎兒女態更無春怨與秋悲略將盃酌隨宜具刺有
溪山取次嬉愛客不妨無汎汎論文何苦太奇奇况曾窺得
尊生術通昔蒲團日一炊

壽薛象先

蕭然山澤一臞仙故被聲名絆俊驪祇為春秋同社燕遂歸
風雨對牀眠中年曾未鬚眉白盡日全無車馬喧我有壽觴
誰與共會昌湖上釣魚船

酬蕃叟弟韻

朋游同一輩伯季自相師薄宦俄衰暮清懽僅暇時我懷青
冢曲子念茲荆詩但得無憂患幽棲豈不宜

壽潘省之

泛水淺紅荷十里蔽雲濃綠木千章旁無俗子同居巷中有
臞仙一瓣香今夕還知是何夕吾鄉終勝似他鄉雙鳥便合
青冥上笑看兒孫樂未央

丁巳壽國舉兄

歲自為詩歲自賡愁無新思思還生更從今閨書初伏待看
何年值後庚漢網疏如天地濶奎文下與水雲平弟兄長健
貧何病判解金龜當一醒

止齋先生文集卷之七

止齋先生文集卷之八

律詩

村居二首

業已將身落耦耕時於觀物悟浮生擇栖未定鳥離立避礙
已通魚並行野老窺窠占太歲牧兒敲角報殘更絕勝倚市
看郵置客至還無菜甲羹

野衣農圃雜華髮弟兄同佚老便居僻貪閑喜命窮習成杯
酌少脫落語言工危坐看流景新萌又落紅

和宗易作屋之什

欲因舊築倍勞形昔在先生配二程梅樹護持供北顧萱堂
潤色作東榮但堪樽俎未三益何必藩牆屏五兵若徒茶麩
手乞我亦令兒輩記家聲

送縉雲葉正初兼簡杜伯高

我固閱人非草草君於前輩亦拳拳經師未數鄰夫子筆力
方窺李謫仙所恨尚於收第晚將詩空與昔時傳頻年不信
燈花報報得人來亦可憐

和宗易賦素馨茉莉白蓮韻

軒牕一日架三英盡室無塵眼倍明閩粵固嘗矜絕美風騷
猶未及知名羞將妾媚隨花譜愛伴孤高上月評獨恨遇寒
成弱植色香殊不讓梅兄

沈仲一送菊自言封殖之勞欲得詩為報為賦三絕

東籬何在菊年年菊視陶詩竟孰賢未必緣詩花更好花增

詩與萬人傳

霜整風味小槽春新樣宮衣試麴塵觀詞譜一段秋光誰領

此芙蓉凡子桂陳人

愁乾手自搭連筒苦雨丁丁杙小蓬乞得花開急催客明朝

恐已着霜紅

仲一以詩來用韻奉荅

陪侍絳幃涉歲年亦嘗尚論翰衣賢如今三嗅馨香泣惟恐
析詩去展傳

嗚咽苔移玉座春昔年曾危屬車塵重陽不見黃封酒只見

餐英獨醒人

剩有新詩入遞筒豈無能畫作換蓬金錢翠蓋相輝映着我
皤然酒借紅

寄題薛象先新樓

矮簷風雨送蝸牛有客來誇百尺樓闔郡臺池皆下瞰背城
湖海亦全收清時未放徒高臥半世何為故倦遊解盡囊金
君計決月明長笛起漁舟

立春

千官勸馬謝幡勝萬國鞭牛占雨晴誰提槁梧相近午頰車
徐轉鼻無聲

除夜用前韻

春未十日垂垂雨歲盡今朝亦未晴
衰老見年殊不覺臥聽
穿葉打窗聲

送子婿林中甫還侍

銷鐫笙磬昨階東穆穆黃泥玉璫中
近在門闌無此稱
老來襟抱更誰同
幽燕遺恨須收第
孔孟微言要忍窮
精舍一區泉石好何時相就看冥鴻

遊趙園

主人避客竟何之
雨過停梳落日遲
頰有畦丁曾識客來禽
花送兩三枝

赴林宗大招賞牡丹之集

剝啄要春酌團樂得晚晴
千花名品下一葦
病身輕文會非
投轄清歡勝絕纓
倦遊吾獨愧歸赴
兩山明
寄謝懷英高士
聞君已得歸山請
顧我方當絕跡時
欲葺止齋猶未就
篋中應有草堂資

和張端士初夏

綠陰四合水迷津
春去雖愁却可人
無數飛螢窺案帙
有時乳燕落梁塵
滿塘荷蔭將還舊
試火包香又斬新
短夜得眠常不足
僧鐘遮莫報昏晨

屈原賈誼陶淵明文辭皆喜道孟夏而悲樂不同
雖所遭之時異要亦懷抱使然爾
端士寄夏日一首若無聊然因和其韻頌初夏之美以解之

送周介之同年赴德化宰

民社須吾黨江湖足此情不堪秋暑近欲越莫潮平拙宦成
華髮憂時自短檠君看廬阜石千載尚垂名

謝林默之居士惠酒居士山居方與世絕尚欲友此
廢人郭小詩舉發一笑

不將鶯鴨惱比隣林下蕭然老幅巾乞與青州十從事添成
明月兩間人

戊午壽國舉兄

一母分身四白頭從今家事付兒流只須老草供觴味乍可
婆娑伴釣遊勞世萬人輸暇日好天一雨薦新秋平章何物
宜為壽三十餘年異子裝

止齋即事二首

性已耐岑寂老應忘隱憂齊年雙白髮盡日一蒼頭竹閉緘
門鑰蒲團數漏籌未知庭廡下還有雀羅不

教子時開卷逢人強整襟再貧看晚節多病得初心地僻艾
蓬好山任竹樹深寄聲同燕社明月又秋砧

戲題山齋叢石

雖無辟立翠琅玕聊當庭前憤鼻視我亦聞之方伎者衆山
皆大小為尊

重陽和朱直方韻

衰老登臨得並家絕勝十載向天涯直須與世為陶令謹勿
令人識孟嘉藍水悲吟空雅健牛山醉墨謾歌科誰知竹葉
雖無分一笑何妨菊自花

用徐叔子韻送其過毗陵

家食年年未解忙浮沉間里但壺觴偶緣他故趨吳會可使
吾徒憶魯狂曲水風流王逸少鑑湖窮約贊和章請於百尺
樓頭上下視人間有肺腸

送四明汪文子

文盛經生少官輕舉子繁誰能堪遠役相與及微言夷凍留
春雨新愁起夜樽斯文吾不敢短句送歸轅

寄九江宋居士

篋中每閱所藏書長憶瀟湘九死餘一別十年身尚健恨無
飛羽過匡廬

與劉進之

水柱劉又句綈袍范叔寒所親多物望相識半人寰今老猶
徒步吾窮亦厚顏幽懷真易足萬卷屋三間

己未上巳清明

霖霖故作落花天佳節重重倍悵然雖有庭除臨曲水更無
尊俎試新烟醅醱雅欲延春賞杜宇還能破晝眠賴得二皇
同一客蔽茅蒲筍短檠邊

和林宗易上巳韻

蠶叢曙鼓五更初杖數何門可曳裾孰與課兒翻故紙幾曾
絲客掃精廬常饒未免時中酒多病安能強著書自笑無才
供視草徒勞身後問相如

和林宗易雨後韻兼簡沈仲一

溪山秋色日侵尋一水循除萬木陰幸有新炊送農扈可無
勝踐盍朋簪蒲荷綿亘衡從故鷗鷺追隨下上音寄語北湖
休獨自摩挲周鼎與商鬻

張端士以詩送蘭蕙因和其韻

暮春堂上抱天和時落葉非與客過客有可人須語似新筵
來者玉森羅

寶壇寺林宗易韻

夢回齒頰自天香何必招魂怨渡湘少待精廬天向曉有未

嘉客歲為常雲山鎮雁魚蝦市煙雨莊嚴橘柚鄉最好題名
雙石關可題周曆萬年長

答朱翔遠見別之作

總角相看五十年行藏殊轍各蹉然豈無子羨書成束欲送
相如賦上天俗眼不寬多小謹文情何限復長篇乘壺偶自
兵厨至聊助征帆一醉眠

嘗語客算蠶橙蟹的對或言今年斗門堅寒故蟹不
上又今秋風急鱸魚亦鮮余發一笑因成二十八字
尊鱸有玉西風急橙蟹無金東海深祇為酒醒愁夜水二蟲
得失我何心

因客說秋林水傷復用前韻

風鱸不須鹽豉好霜螯須看酒船深無由種林求旁舍旁舍
秋蟬已盡心

己未生朝謝莘叟兄送梅

無歲探梅不恨遲緝齋今送兩三枝也知造物多生意亦為
崎人解笑願壬子恰同身墮地庚申還值國開基數家誇道
明年好好在長貧誦繁辭

又

莫笑栽培日月遲待看老榦及孫枝天將鵬去春回首人與
花同雪滿頤萬里龍頭空故蹟孤山籬落但餘基至今佳句
無人繼誰與招魂看楚辭

覓花

背山面水竹週遭雖乏樓臺氣已豪更得好花千百本中間
容我誦莊騷

和徐魏叔見寄三絕

蒲團坐閱歲如梭不管門前雀可羅投贈紵衣總薄物道人

微笑已嫌多

執袴何嘗不誤身梁園金谷草長春送將重錦齊三十哭教
生芻一束人

獨向心源識背趨豈於身外較精粗淒其下視人間世朝市
區區地一夫

和朱宰遊丁園韻

榆火逢佳節棠陰接勝遊移樽忻及暇乘屐共尋幽日靜竹
光合風喧花氣浮主情殊未倦衰暮為遲留

庚申上巳

何事

天似雨露慳一遺晚百感又春關墨客山

陰竹騷人浦外蘭誰知千古意不在游間

清明後一日宴客明日宗易送牡丹有詩次韻

客去朝醒惡詩來晚思和名花如洛上佳句近陰何雨故妨

新火春應墮夢柯莫將行樂地竭角動干戈

和汪仲嘉樓大防二尚書賀鄭貴和華文休致韻貴

和四明人從其子恭興為瑞安主簿

簪笏相摩入殿廬人皆自笑此區區豈無隻字踰華袞未必
千鍾勝餽甌吾見北山多後倦誰如東里竟先驅追隨曳履
扮榆社猶及香山退傅無

歸然名節萬人尊詩落文昌帝九閭老及衛公還失策早如
鍊傳亦傷恩華文延閣如今少神武備門自古存我與東樓
最欣慕掖垣燈火幾同論

寒食早起圍爐中戲和林宗易韻二首

疊帳重裘更怯風絕憐寒食到匆匆一春不見花開落但說
栽花費幾工

春工偏以速為神誰管沉疴未覺春禁得春寒長恣賞甘心

翰與少年人

晚移舟塘次值風而回莘叟兄有詩次韻

經春屏跡與誰同苦雨衣箒亦自烘方此欲為官况事依然
不值世情風濛茸水國蒲荷蕩靄郁田家橘柚叢最是一年
行樂處翻成咄咄坐書空

送四明方伯起

世事關分合人情有短長君應愁富貴人已畏文章
立親雙鬢追隨客累觴未知歸定否吾亦愛吾鄉

送楊渭夫入淮

老去關心寂語離不堪離久會還希君方慷慨思矜振我已
婆娑喜情歸萬事莫如身自愛十詩亦與世多違倘村書寄
南來鴈且問瓊花果是非

從族叔覓老桂

他山有桂老翳鬆好植梅旁伴槁容着我對吟前赤壁乞君
分與左青龍踰牆之樹宜無取我聞折我樹桑益屋於
東本不凶錄不詳孔子問陳益恭想短章蒙一笑便呼鋤鑿破
苔封

蓮花

伯仲之間竹與梅魏姚聲價浪崔嵬雖然亦混魚蝦慶風度
自從立壺來

寄林宗大

春已無情雨妬花病還妬客到花家今當未雨繞身健杖藜
來看半吐葩

和莘叟兄詠張子房韻

不緣多病遽懷安閱盡人間萬事難謾以笑談分楚漢克村
功業付蕭韓

朱及之以所種荔枝結實招飲不及赴以詩謝之
閩譜余嘗第狀元年來雖見僅名存頁存天寶猶徒擾賦似
相如亦妄論每羨朝陽私沃壤正愁秋雨妬芳樽絳衣玉質
今何夕照我西歸十二軒傲存十二以飄雨

從徐一之覓菊

我欲作亭題獨立苦無翠蓋著金錢園林百輩皆名勝為趁
西風乞元貝

土盆瓦斛空中久羞見重陽插滿頭寄向柁樓煩送似毛鱸
壘蟹待新筍

次韻奉扇徐一之送菊

桂叢蘭畹悄無詳但有哀鴻天一涯節物更誰知白髮交情
於此見黃花聲名獨立空秋際香色平鋪與露華南雅未收
騷致意騷人應欲補詩葩

迂植姪得男朱文昭寄詩於湯餅集即席和韻

喜說徐卿得二雛吾家波及亦君餘青衫手板宜從此斷簡
家藏莫利渠但欲健如黃犢走不妨錯寫美譽書更看湯餅
頻頻供笑索梅花到歲除

送鄭主簿泰興解官歸四明

師友於今說鄭鄉親庭分付舊行箴但知職分宜棲棘盡把
聲名屬憇棠一字未曾榜薦墨扁舟總可著詩囊問津漁浦
多西笑獨為菜衣味更長泰興以釣錢清酒滿岸四明迂

送孟廷昌歸蘭溪

典同同命士律協漢諸郎師友今千載妻孥各一方髮從何
處白菊有去年黃惜別無多語關離三斷章

劉進之飲著叟弟筠亭且賦詩余與著叟族居蓋
屏迹不出各數年於是有感次其韻

判與漁樵日往還
鶴亡蜂遁往苔斑
何人不棄尋常事
有弟相忘咫尺間
寬網及余端已老
祥琴相爾未應閒
但將丘壑全分付
可待移文排厚顏

林宗 易劉進之見訪有詩再用前韻

牛羊日夕鳥知還
林說年時玉笋班
四皓亦嘗空老去
二疏不在共功間
脩書尚覺婦期晚
隱几兼忘水日閒
况有宸章長對越
昭回雲漢不違顏

題錢宰汲光亭圖

棲身雲夢八九上用意
風雲五六間
惟有澄波兼皓月
尚憐波月蔽虧山

止齋先生文集卷之八

止齋先生文集卷之九

挽詩

擬進 御製

孝宗皇帝挽詞五首

九廟威靈遠德一三宗德業尊
謳歌思藝祖曆數在神孫
欲返皇圖正先推帝繫
恩諸儒議東嚮此意定初元興以隆元隆

但謹雞鳴問何知
鶴髮侵石經方典學盟載更關心
四海竟喪畢三年舜慕深
勿勿付神躬長樂尚沾襟

神機規禹迹鬼膽破胡兒
大號初掃我成功少待時
韃橐懷不滿簞食問何遲
河洛空遺恨年年上玉卮

好學元無數忘疲
晚有加明謨宗六藝妙用合三家
照映天

經緯派傳士齒牙
奎文尊閣處更合榜重華

群才何輻輳聖度似天寬
清輝留儒館黃金散將壇風雲一

語合日月萬人看攀附今無路哀摧壯士肝

孝宗皇帝挽詞五首

藝祖開皇極何心界後昆天將翊堯運世復見湯孫武接規
模在仁追典則存煌煌宋宗社永永配乾坤
深衷何自見寬詔不勝書當宁廷方岳逢人間里閭歲為周
委積家被漢蠲除巷哭彌天遠長江淚不如
豈以崇高極能忘凜凜憂水更三幹舊費為十金休然館無
秋獵胡門絕夜遊恭惟懷顯德真可締孫謀
正觀真英主三王合庶幾此時生後聖端欲踵前徽濟世功
何異除危志偶違辛勤三十載十漸更無讖
不作脩齡夢天乎詎可甚白雲新獻世黃屋舊非心德業成
千古間闕寢八音烏號在何許霜重越山岑

挽吳明可給事

諸老俱淪落流風日轉移獨懷憂國意長說渡江時姓字誰
如此功名早不疑却收湖海氣燕坐雪垂頤
憶上諸生謁公方薄恙侵欣然蒙絮帽恨不醉花陰自說看
人熟相期晚歲深半天蒼嶺雪回首為沾襟謂公之夕宿嘗
日橫上
源數又

挽水泰議德之居
事尊人

寵數頻年及俞音萬口傳豐碑未少海六軸落台驢教子宜
如此聞風亦凜然送車今塞道拱木看參天東宮為寫棟慶
二字史丞相以

盛事無虛得玄襟可自知偏觀同輩行誰似暮年時袞冕起
椒殿簫韶送玉卮又且天一笑獨此有遺悲

悼蔣昇仲承事

扁舟來往適吾真却笑旁觀道隱淪三釜豈無兒可就百年

要與酒相親，賸栽梅竹，皆緣客晚得。冠裳不語人，試向南塘問漁牧。定於此老亦沾巾。

挽族叔父

松竹深園屋，蓮騰種魚所。愁賓客少，不問稻梁餘。盡日相語盈門手，自書吾兒有名字。萬事聽何如？我懷終古恨不及奉觴時。滿眼看諸第，何心賦此詩。千羊來鬻，蟄丘墓去，纍纍亦有千鍾養。曾無一字碑，籀叟自為。

題丁少詹姑墓誌後

白髮從夫志，青芻為客謀。送車今幾兩，樂土有斯丘。婦莫于父黨猶子聲名甚，他時雨露秋。摩挲看石刻，嗟惜到松楸。

挽樓朝奉

裘馬朋簪感，緋魚筦庫卑。行藏公論在，然否寸心知。歲晏曾三接，民功僅一麾。空餘華表字，有恨蓋棺時。歿其墓

九寺方連茹，專城又夾河。晚看諸子好，孰與一門多。薄海皆驚嘆，亨衢忽薦瘞。大連同厚夜，其柩少連何。

挽包顯使

樵牧常爭席，篇觴早策功。有懷隨事見，不耻與人同。我故奇諸子，年來識此翁。待看楮古力，喬木已悲風。

翁子看時輩，平生不妄賢。獨於公有誄，惟恐世無傳。他日須深刻，吾詩可附聯。草黃松柏禿，名與石巋然。翁誠之作行狀

挽張子由母

又是君王上玉卮，未央雨露湛垂垂。版輿此去還無恙，芝檢重来更不疑。四世團樂能有幾，百年斷盡亦堪悲。里中諸母今誰在，聽說承平祐聖時。

挽潘才叔母

剝啄唯深夜，門前小。船有兒能自致，此母已堪傳。竹院前

聞熟桓楹大字懸病懷嗟不及捷筆附諸賢有竹院所居

挽周宣義法善山司

無酒澆陳草將詩刻墜碑遺名從此在真意竟誰知教子還餘事周人亦有時憶嘗從夜話欲去更遲遲

挽蔡文何茂宏

勸駕嘗連萼應門忽二毛竟於時不偶吾更晚相遺宿草堪揮淚豐碑忍此臺送車今幾兩誰最戀縹袍

挽薛季益尚書

編試江淮聲藉藉久勞荆蜀鬢蒼蒼同時半已登槐棘卒歲總能足稻梁遺藁不為他日計佳城尚及此丘墓豈無後作多文勝今我像人淚欲滂

州里誰如此達尊戶庭深靜最情敦不將尺牘通當路却枉扁舟訪杜門每見色色溫如有禹欲書心愧不能言從今若祭

粉榆社好配橫塘兩獻樽公與許密簡居同鄉

挽彭通直子復監丞華人

前輩如同郡派風僅幾人不合兒巧宦亦尚世清貧及老猶書卷通班但幅巾吾銘雖未就鄉譽勝堅珉

挽沈次卿學正

洛學傳當代家聲屬此翁一生無世味萬事與人同恨不師前鄭欣嘗客阿戎宜銘千古意豈在語言工

挽林承信繼執事人

重文寧問田安在急義固於官不知腫仕幸多花萼好幽棲宜與竹林期床頭周易吾將老案上楞嚴晚得師此意自應天子後嶧陽未琢長孫枝

悼林仲逸縣尉

家故書千卷生纜試一斑賞音殊不少筮仕獨何艱松菊將

身隱蘋繁忽涕潛幸哉賢玉潤有誅不容剛

挽張材卿知郡

大猷明之子
尚書之弟

貂蟬不逮老端明世濟誰如好弟兄能着青衫借計吏却將
白髮去邊城夜魂俄斷凝香寢秋淚仍兼曳履聲萬石君家
同一傳嗣書應更有公卿

挽新昌呂脩職

頃作庵廬客者公手種蔣溪毛無亂理宰木有連枝久欲繼
他石今還賦此詩黯然懷宿昔祭酒定何時
不道千山阻將遺百世名有兒能自致此老已堪銘祿豈無
三金賢誰似一經吾詞雖未就應有護幽局

挽尤廷之尚書

自為師說竟誰宗每事持平屬此翁有志政須名節是斯文
非獨語言工要令舉世人材出合在前朝行輩中安得長年

留把柁後來各興一帆風

宿留江湖長子孫行藏節節耐人看及為侍從身垂老欲試
平生事轉難書就僅題前太史功成方記舊甘盤令人長恨
經綸意歷事三朝見一斑

向來諸老獨歸然羸不勝衣萬事便燈下細書批勅字雪邊
先着趁朝鞭豈應無故令身健却止功名與世傳遺奏定留
封禪藁憑誰吹送九重天

杜歲從游兩鬢霜重來函丈各堪傷那知卒業今無及極悔
論心昨未嘗相約歸期須次第獨存病骨更淒涼他年賴有
門生記託在碑陰水不忘

挽沈虞卿侍郎

官重元非好思閒樂有餘生兒早傳業課女夜抄書時事方
關念歸懷不遂初經綸緣未了天意盍留渠

嗜古真成癖，摩挲笑眼開。斷編遺汲冢，名篆出秦臺。
應盡雲山喚，不回淒涼子雲宅。問字有誰來。
緣

挽東陽郭德誼

簪紱何能貴，聲名幸自脩。凡今為我友，幾半與君遊。翰墨千
年托松栢，一夜秋令人懷。昔日炯炯夢丹丘。

悼楊休甫

袖手旁觀一世餘，元非親物亦非疎。酒邊每事如人意，燈下
通宵讀我書。學到莊騷纔止此，生逢周漢定何如。西州相識
無遺恨，獨恨無從搽子祛。

挽宋巖老參議

居然是是亦非非，錯處綱中定不疑。萬事過人旁袖手，一生
從衆自觀頤。肯為杜縣雖嘗試，略見周行已逆知。盡日杜門
佳客至，小槽親校酒醇漓。

少小修歲近市朝，亦非着意混漁樵。不為禦寇猶爭席，好說
淵明更折腰。一飯重違九子約，千金終却故人招。送車幾兩
交相唁，我獨難忘最久要。

悼劉謙之知錄

海內多吾友，飄零今幾人。相忘尤墮淚，欲誅輒傷神。
父祭文皆本勝悲 才力矜餘地，心期耻後塵。渣然無一語，愁

殺白頭親

挽王興之提刑

四海王詹事，傳家有象賢。宦情塵澤外，風誼典刑邊。遺愛依
前鄭，羣居得少連。生平纓樂此，一夢涕潸然。

悼濟陽夫人

久接江山境，曾論子姓文。於焉觀內則，可以繼前聞。捧栗嚴
賓豆，蘋蘩潔祀芬。有人言不朽，片石合磨雲。

挽張春卿尚書

懷抱今遺直身名古象賢路車陳左塾笙磬在東懸再世星
辰上三年雨露邊崎嶇空老去有識共潸然

論建回天力生平與眾同居常焚諫草人自避
張仲家聲近魯公挽辭吾不愧收入汗青中

悼翁仲立達州

憶昔看封事令人激懦衷造籌皆破的硬語更盤空晚亦通
家好居然與眾同行截審論定誰假一帆風

誰憐何多譽已城一壁最書膺使上好語近臣知筆路江
山一作雲久維舟日月遙空懷歸報續不違勞還時

挽劉端本司戶

十年共語昨來非長憶初年握手時身世自憐心炯炯功名
猶忘論甲甲民彝亘古非蕪沒學者如公好器資緩轡徐行

逢九軌可堪倏忽九原悲

挽林致賢提舉

一經韋氏學五桂實儀家每耻鄉評過深懲履道華人方貴
全辟事已隨空花袞袞來黃閣千年置齒牙

挽劉茂實和州

欲課民庸元道州欲評人品馬少游居無一事可切齒薦有
三公方掉頭送公歷陽令我愁目斷賓鴈書沈浮識與不識
涕淚流人世安用頃封侯

鄉士大夫書說自明果然嗚呼悲夫自明為太學諸生數
與余游乾道壬辰同試進士自明不第於是始別別三四

年間自明以釋褐仕于朝而余之再至在兩也則自明
貴絕出其輩行間相過語至其歡狎悲壯與在學校時無
異也余丞郡長樂會自明家居待台州關更數往來寄遺

其所舍僧寺室中蕭然篋輿一乘老床篋數隻凡若干口日須婦翁米以為食而自明意象與在館閣時亦無異余每語人自明來日甚長也而今死矣自明言行焯焯在人耳目不但余能言之也余獨悲自明以喜事嫉邪取名於世而死最不幸好議論者曰是宜不良死也余觀自明立朝於進對苟得之間里廡役當諱而不以言上者具以情奏滿朝為危而自明雖即死不悔真若不愛其死者然其事母孝左右不敢違晚得師友務為靖恭間雅不苟坐立雖一飲茹亦必揣度無害乃下口余嘗莖菌以進自明驚謂曰是可食耶往聞有食此死者至今不近也自明可謂重其死矣士患無志有志矣患不見知於上知而少不合輒不持重以究其用亦士之罪也方自明以母老請外去非上意天下皆以旦夕且復用自明又甚自愛而及於此何

哉是不謂之天耶故余為斯文也他不暇論於其死巫致意焉以見余悲且以解議者之惑亦自明之志歟有明長樂人姓鄭氏名鑑詞曰

母曰余兒予吾莫知其何尤婦曰良人予吾曷為懼此憂兄弟不以是咎予朋友稱其好脩恭不得其故予庸強名之曰命相彼下堂而貽戚予或結纆以順聽萬不同咸自取予曾二者孰失其正聲鬼神之所仇予人直躬焉是病胥屬鏤忽墮其前予屈魚腹以為穿竒禍作於牖下予顧奚悲而宜慶嗟予何傷予獨余懷不能以自勝尚或相爾爾孤予天終焉其有定

止齋先生文集卷之十

內制

慶元改元詔

勅門下朕以眇身託于兆人之上惟日兢兢懼無以紹列聖之休而對揚上皇之慈訓也永惟當今之務何者為急非欲百官脩輔而民力裕歟夫親君子遠小人慶曆元祐之所以尊朝廷也省刑罰薄稅歛慶曆元祐之所以惠天下也是曩是訓歷年彌長肆于中興舉偏補敝皆於此乎取法克至今日中外又寧朕幸蒙遺業繩祖武而敢一日忘此乎掇取美號於紀元詩云不愆不忘率由舊章蓋庶幾周成焉其以明年為慶元元年故茲詔示想宜知悉

括文神武成孝皇帝梓宮啓攢塗

奏告祝文

伏以兩楹啓殯六引徂東欲仍几之神以即因山之言
嚴先虔告用奠安行尚享

啓攢畢梓宮還殿

皇帝行祭奠禮祝文

伏以厭世上賓終天永歎撒攢塗而即吉登薄海以攀號酌
奠雖虔瞻言何及高饗

發引前一日初更總護使行夜祭祝文

伏以三年之制念在終喪七月有期忍當明發共脩祭事曷
究哀悼尚饗

前引前期祭告錢塘錢清江龍神祝文

伏以於昭烈祖將祔思陵方六緇之間津維大川之借助用
伸忱請尚奠明聽尚饗

發引遷奠祝文

伏以仰止龍輜臨于丘隧方少頃於筮日庶永妥於賓天昭
告何云哀推罔極尚饗

掩攢前一日奏告

昭慈聖獻皇后

徽宗皇帝

顯恭皇后

顯肅皇后

顯仁皇后

高宗皇帝

憲節皇后攢宮祝文

伏以思皇烈祖祔諸陵當復土之及期願在天之垂祐不
震不棟以永萬世之藏未奠來寧如同一堂之上尚饗

掩攢祝文

伏以遣車彼屆復土維新竟藏橋冢之衣冠莫覩堯天之雲
日永懷弗及隕越何勝尚饗

九虞祭祝文九

一虞

伏以稽山仰止想祖烈之攸宣清廟肅如悵神游之未附於
茲易真何以勝哀尚饗

二虞

伏以廢衣安在曷堪舟旒之思虞凡是憑尚系菱牆之念道
周之薦海內如推尚饗

三虞

伏以亘古永違貽孫謀之如在自今始吉嗟孺慕之何窮三
薦既陳長號罔措尚饗

四虞

伏以信信宿宿暫受於神棲子子孫孫永懷於祖武方舟而
濟有淚如傾尚饗

五虞

伏以維堯傳舜俄同闕於衣冠自越入吳迺獨還於嬰衛望

如弗及哀曷能勝尚饗

六虞

伏以念茲皇祖忍當昌歎之陳瞻彼昊天痛極胡髯之逝恭
迎仗衛疑對音容尚饗

七虞

伏以濤江限斷嘗攝事於攸司郊次森嚴方訪躬於斯薦披
依永已慟哭何云尚饗

八虞

伏以顧瞻橋冢已深萬古之藏想像衿衣尚御重華之舊反
虞將畢追慕采新尚饗

九虞

伏以百神受職來奉於主車三后在天行并于楫廟哀哉永
訣忍此終虞尚饗

掩攢畢謝土神祝文

伏以於皇烈祖來附思陵允惟百神襄此大事敢忘答貺更冀明聰呵護之虞永無數尚饗

安南國王李龍翰加恩制

教門下朕宣室受釐言念梯航之遠揚廷乎彌載詠綸綍之
恩以昭烈祖之宏摹以篤价藩之丕社推誠順化秉信守義
奉國履常懷德謹度思忠功臣特進檢校太尉充靜海軍節
度觀察處置等使兼御史大夫止柱國安南國王食邑一萬
戶食實封三千八百戶李龍翰恪勤厥服紹美于前克提千
里之封勿替累朝之好霜露所墜固同洽於至仁倉海不波
蓋良繇於多助維時嗣服有事合官亦遐想於稱恭莫共陪於
肇祀駿奔在廟雖阻脩黼皐之儀旅實充庭嘗與備蕭茅之
享肆盼新渥爰廣舊封裛載藉之名言侈元勳之顯彌於戲

閔予訪落疇在公助祭之勞嘉乃象賢謹與國咸休之度於
焉申錫其尚欽承可依前特進檢校太尉充靜海軍節度觀
察處置等使兼御史大夫上柱國安南國王加食邑一千戶食
實封四百仍加濟美功臣散官勳如故主者施行

賜徽猷閣學士太中大夫知襄陽府張杓辭免改差
知建康府恩命乞在外宮觀不允詔

勅具官某省河上表辭免恩命事具悉爾獨不聞故國世臣
之說乎而未諭疾也夫保墳墓孰與成先正之義休祠節義
與圖累朝之報智者當有所擇矣式遏其驅毋事多遜所辭
宜不允

賜文武百寮宰臣趙汝愚等上表請

皇帝還內不允批答

省表具之朕遭家多難慄乎懼不足以當大事賴天之靈宗

廟之祐迺者壬寅獲與同軌附烈祖於思陵而遣車祖東虞
主未返仰止稽山明發不寐皇皇望望未知所為也公卿百
辟其何以慰朕而欲徇故常之請還廣內乎方將稟命于
上皇以供養仍九虞侍兩宮為事所請宜不允

賜趙汝愚等再上表請

皇帝還內軍允批答

省表具之夫會朝之賢謹非所以示下宿衛之暴露非所以
持久朕豈不熟慮此歟但以任姒之養未忍違離阜陵復土
盍亦宿留是用却前請而勿聽也今承命三官皆曰不可百
辟卿士又懇懇以為言朕惟捨獨見以從衆允徇大權而勝
私誼自古后在鮮不由此顯如中人其敢拂親尊之意抑臣
庶而弗省乎所請宜允
止齋先生文集卷之十

止齋先生文集卷之十一

外制自紹熙四年正月以後

皇后歸謁家廟親姪忠訓郎

頭司李孝純武經郎帶

友各特轉右武郎

敕具官某等朕惟古后妃有求賢審官之志而不私謁而人
主則特隆於肺腑之親未惟后妃彌遜人主彌恩斯可觀已
日者吾后省家廟爾某皆以猶子祗服厥事朕何愛一橫行
郎而不以寵汝惟無忝爾祖以長守富貴則予汝嘉可

皇后親姊故任武節郎閣門宣贊舍人致仕霍漢臣

妻平涼郡夫人李氏封成國夫人故任武經郎致仕

馬煥妻安化郡夫人李氏封信國夫人忠訓郎士

廉妻彭原郡夫人李氏封崇國夫人

教朕惟古后妃有求賢審官之志而不私謁而人主特隆於肺腑之親夫唯后妃彌遜人主彌恩斯可觀已具位某氏夙以淑惠友于坤儀日者翟車還省家廟越來相事禮無違者其益湯沐視君夫人尚服寵榮以綬壽祉可

皇后親姪孫承節郎李瑜李繁各轉兩官

教具官某等日者吾后還省家廟朕循故事推恩后族自纂及早罔或遺者尔以辛會爰進二階豈不榮哉尚務靖共以綬爾祉可

皇后親姪婦故忠訓郎贈文州刺史李斌妻安人潘

氏右武郎帶御器械幹辦皇城司李孝友妻安人趙

氏親姪女通直郎充點檢贍軍激賞酒庫所幹辦公

事韓松妻安人李氏並特封恭人親姪孫孫女右武

郎帶御器械幹辦皇城司李孝友女孺人李氏特

封安人

教具位某氏朕惟古后妃有求賢審官之志而不私謁而人主則特隆於肺腑之親夫惟后妃彌遜人主彌恩斯可觀已日者吾后省家廟爾以猶子實來相禮朕嘉典之用益汝封尚服寵榮以無違我齊家之化可

皇后親姪女夫通直郎充點檢贍軍激賞酒庫所幹

辦公事韓松特轉一官

教具官某日者吾后還省家廟朕循故事且酌有司之議推恩后黨而爾來自勲闕雅有能稱眷在甥館亦與幸會至於增秩豈不榮哉尚務靖共以綬爾祉

皇后親姪女之子從事郎韓大用大任各循兩資

教具官某朕惟古后妃有求賢審官之志而不私謁而人主則特隆於肺腑之親夫惟后妃彌遜人主彌恩斯可觀已日

者吾后省家廟爾等迺以諸甥亦與幸會例進兩階豈不禁哉尚服寵章無忘忠報可

皇后親屬進武校尉韓大有將轉承信郎

教具官某日者吾后還省家廟朕循故事且酌有司之議推恩后黨而爾以諸甥亦與幸會例進一階豈不禁哉尚服寵章無忘忠報可

皇后閣提舉官武功大夫帶御器械楊舜卿轉親

察使

教具官某等方用盛時后妃永懷賢士大夫僕馬俱病而不敢私謁於上統欲為觴酒勞苦之而竟不可得慨嘆而已尔服勞官聞迺以吾后有事家廟之恩至將廉車豈不榮哉而槩之周人何其幸也尚服寵章無忘忠報可

皇后幹辦宅從義郎張友直忠訓郎沈直各持轉一

官

教具官某等朕酌有司之議推恩后族而及其私人爾等遠與幸會各進一階其尚恪恭毋替爾事可

隨龍筋武郎閣門祇候兼皇后閣主管進奉東佐類

內翰林醫官太醫局教授王良佐成安郎陳翊類內

翰林醫官郭儀忠訓郎幹辦人船伊昱忠訓郎主管

文字傅昌時忠訓郎掌機奏劉北忠翊郎主管進奉

周良臣成忠郎掌機奏黃允文隨龍成忠郎浙西安

撫司准備將領主管進奉趙友信成忠郎私名掌機

奏吳衍保義郎王寧貴師旦舉信郎陳琪承信郎轉

運司准備差使王演承信郎魏嘉言承節郎薛拱承

節郎幹辦人船李放進武校尉私名掌機李大受該

遇皇后歸謁家廟並特轉一官

敕具官某等日者吾后選省家廟朕循故事且酌有司之議推恩右黨而及其私人爾等各以幸會至於增秩豈不榮哉尚務肅給毋怠其事可

東義郎韓侂胄特授開門舍人

敕具官某朕永惟舊相有勲勞於我家而其裔孫或蒙殿里之澤越在右階無以著見唯是試之後省以發其文官之上闕以華其選尚庶幾焉爾其懋哉用俟明陟可

皇伯太師嗣秀王柏圭合符冠被一十五道並特授封孺人賜親屬內欲將一名與故妻秦國夫人妹宋

氏封孺人

敕某氏古者驕勲賢之勞則及其私人况所尊敬自吾壽皇以死禮之者乎况其君夫人父之同產子乎以其地恩爵焉命婦雖過於惠朕何愛焉可

開門宣贊舍人游恭特授武德郎落閣職推發遣臨安府兵馬鈐轄

敕具官某爾勇爵也習於階兼之儀而不開軍旅之事非板官之意矣第其久勞優以增秩試移賓政往治戎韜其務赴功以須器使可

起復武功大夫文州刺史興元府駐劄 御前右軍統制兼知鳳州郭諤特轉復州團練使令再任

敕具官某朕以禁旅扞邊而擇將以撫馭之閱歲云人西顧晏然方眷其勞就進戎國之峻尚難其代故遲瓜戍之更爾其茂對新恩踐修舊績式嚴式律垂緝郡條朕不汝忘將有明陟可

皇元沂州防禦使權王卒吳王恭紀多才磨勳轉明州觀察使

山齋文集卷之十一
四
敕朕崇長宗支以綿帝繫高爵厚祿宜與共之而猶計歲課勞循次而進所以昭至公謹成憲也其官某信厚以為質靖共以自將入不恃家人之恩而出無違於闕庭之禮况以尊屬于今幾人則徑陟廉車誰曰不可而必中有司之度積十年然後進之豈朕有所愛哉然而身無吏事之責執比法從之崇其視匪躬盡瘁沒齒下僚者又何其幸也宜對殊渥無忝所生可

武功大夫和州防禦使權知開門事兼客省四女館事韓侂胄特與落階官臣寮繳奏特與轉行右武大夫

夫
敕嘉祐治平之間爾先正可謂社稷臣矣肆列聖寵嘉之施及于孫簡在戚里於焉尚主於焉納后几可以熾韓氏之門者無愛也其官某蚤以才稱荐膺器使庇職上閣宣勞累年

唯彼橫行賞典所吝獨以命汝庸示殊恩一以懽德福之心一以大忠獻之後盡亦自勉庶穆羣言可

武功大夫集慶軍承宣使入內內侍省副都知張安仁除入內內侍省都知武功大夫祁州團練使入內內侍省押班李彥正除入內內侍省副都知

敕具官某朕嘗稽之周制內宰隸於天官夫古道誠未易復也至於建隆舊章尚有宣徽院之籍今亦廢矣而別為地司則為之長者顧不當謹擇其人乎是用命爾以肅禁中蓋親近之久識察之詳矣其益暗共以身率焉母使外廷謂汝不稱可

武功大夫和州防禦使帶御器械于惟簡武功大夫明州觀察使帶御器械楊舜並除入內內侍省押班

教具官某自宣徽院之籍廢而北司之長蓋難其人朕既差擇之矣則參伍其間以相內治苟不有以自異於輩行而識風指謹憲度者皆不在此選也然則爾名在四人之數蓋亦思報稱者哉可

張祐正條隨龍祇應勤勞特補承信郎

教某日第攀附之勞而偶逢汝蓋累年于此矣爰詔有司授之初官以見朕懷不忘疇昔可

武節郎御前祇應鄭孝友應奉有勞特博一官

教具官某服勞左右雖無顯庸聞日進官亦國之舊可

殿前指揮使左班年代上名劉成等十五人授脩世

郎許元等三人授訓武郎御龍直上名方正等三人

授忠訓郎殿前指揮使左右班守闕行門將榮十三

人授從義郎東第一班上名姜勝等四人授承節郎

散直上名孟端等七人授承信郎

教某等養衛士而遣之古也而命以官則彌恩矣往祇吏職毋替忠勞可

皇弟右監門衛大將軍樓州團練使多助皇弟右監門衛大將軍成州團練使多能實及一十年並該磨勳轉仍禦使

教具官某等朕崇長宗支以綿帝繫而猶計歲課勞循次而進所以昭至公謹成憲也以爾靖共簡在近屬眷焉增秩誰曰不宜而須暇十年以中有司之度豈顧有所愛哉以此風厲則為士者勸矣可

入內侍省東頭供奉官降授寄資武功大夫遙郡刺史霍汝翼轉歸吏部除帶御器械

教具官某自以諸司使改今寄祿官而內侍與戎行雜矣然

而名不在銓曹之籍則猶非秩官是則異焉耳轉而屬銓斯為寵渥爾其敬哉母曰序進可

招箭班殿侍嘗彥澤在班及十五年補承節郎仍舊存留在班祇應

敕具官某方罷遣衛士而次第官使之爾以藝成今祇舊次宜益於舊以須後思可

瀘州軍變守臣張孝芳被害特贈三官與兩子恩澤
敕具官 朕觀春秋書盜殺某人夫謂之盜則非死者之罪矣蓋喟然歎曰士大夫或死於不幸而無所歸咎者焉則其所遭之變非必有以取之此仁君之所務白也國家開暇士馬馳逐受命分閭尊重難危而爾曾無咎端獨罹不測之禍夷攻其治皆率故常則盜起帳下非春秋之所不罪者歟雖然世無叛兵久矣庸人為將高枕有餘爾以名派願至於此

恤典之隆豈但汝哀亦以使繼今者之知懼焉可

瀘州被害官兵故節度推官杜美贈兩資與一子下州文學故忠訓郎瀘州駐泊兵馬監押安彥斌贈三官與一子承信郎故下班祗應潼川府鈐轄司指使雷世忠贈承信郎

敕具官某等為能効死於其長上皆忠孝之徒也瀘盜之興爾等義不顧身各死於帥恤典之厚朕豈有所愛哉可

儒林郎前瀘州安撫司幹官郭仲傳失覺察本廳虞候張信為亂首亂作復與賊宴飲相為賓主特降三資放罷

敕具官某帥死于亂卒而爾為屬顧欲以早調自全可乎削之三階尚用中典繼今有耻亦豈汝棄可

太史局測驗渾儀刻漏所學生周奕特補挈壺正

敕某今官類非古稱謂而掣壺氏見於周官爾以諸生馴致於此亦宜知所職矣可

脩武郎閣門看班祗候霍寬夫供職實及二年與落

看班二字

敕具官某謀其年勞正其名稱非徒以叙遷也由是而釋煩厚之事則宜知自貴重矣可

部侍郎倪思訪脩

至尊壽皇聖帝聖政特轉一官

敕昔者仲尼序書斷自二典以為堯舜揖遜之美後世弗可及矣矧惟我家父作子述不待倦勤親相授受蓋視帝者有光焉則聖政之作豈不足以匹休虞書哉具官某以折衷六藝之學發明心傳以同風三代之文揚厲治勅作宋一藝垂之無窮及此奏篇朕為之序日上慈衣壽皇嘉馬藉使仲

尼在宜如何未異之而有司以故事第賞爰進一官此朕之所甚不愛也可

秘書省著作郎黃由沈有開著作佐郎李唐卿王容

太常丞兼國史日曆所編類聖政檢討官章穎

將作少監黃艾並該脩進

至尊壽皇聖帝聖政內黃艾保經脩不經進各特轉

一官

敕具官某等昔者仲尼序書斷自二典以為堯舜揖遜之美後世弗可及矣矧惟我家父作子述不待倦勤親相授受蓋視帝者有光焉則聖政之作豈不足以匹休虞書哉爾等各以名儒載筆求觀作宋一藝垂之無窮及此奏篇朕為之序日上慈衣壽皇嘉馬藉使仲尼在宜如何表異之而有司以故事第賞爰進一官此朕之所甚不愛也可

承信郎監潭州南嶽廟徐靖忠訓郎祕書省書庫官
盛端友訓武郎監祕書省門梁周弼翊郎趙章該進
至尊壽皇聖帝聖政各轉一官

敕具官某皆賞典也而他以待煩辱之勞至以祕書局進官
則猶寵矣爾尚勉思無忘忠報可

武功大夫降授昌州刺史帶御器械霍汝翼該進
至尊壽皇聖帝聖政持轉成州團練使

敕具官某鈔槩之勞暨學士大夫力也而無人乎其間則安
能閱乙夜之覽今也奏績乘上俞音不遲慈庭有擇冊府政
觀是誰之助歟則以爾端恭實與執事通達中外其勞實多
天以文字得官皆德賞也進之遂利哉曰不可其尚勉思以
稱殊渥可

宗正少卿鄭汝諧奉使回特轉一官

敕具官某爾以老師宿儒銜命萬里隨隣好於北庭縉紳往
往闕勞汝爽朕觀春秋使聘之際楚人欲傲晉叔向以其所
不知而不能晉人亦曰鄭子產博物君子也而皆異其禮有
以大國而徵老師宿儒專對四方非所以令遠人見也追茲
歸報豈馬無闕而書勞進秩但循故事豈朕所以相勞若之
意哉爾其少休嗣有寵數可

閩門舍人兼皇子嘉王府內知客譙令雍奉使回
特轉一官

敕具官某擯上閤之儀聯朱邸之事皆華選也爾以趣操文
藻至於共二月謂吾親臣矣是用命爾介于膺使銜命萬里
簡歲聘於北庭迨茲歸報豈馬無闕則朕所以相勞若之意
何但循故事增秩哉有它掄用朕不汝忠可

奉使親屬一員准東安撫司幹辦公事譙令憲准備

差遣一員新監明州賭軍酒庫黃仁裕書狀官一員
新明州昌國縣主簿楊正臣指使將仕郎葉時中將
仕郎鄭如等回程各轉一官

敕具官某等凡出疆者有賞所以勞苦之也爾隸使事與於
驅馳追茲歸報書勞進秩蓋國舊章朕宜汝咨可

閩門官贊舍人宋克俊夏允言閩門祇候蔡唐魯米
康恭並該應舉人使十次賞各轉一官

敕具官某等贊儀上閩能與聘客周旋十不失一亦既勞矣
課効增秩蓋國舊章尚益靖共以渙器使可

浙江潮神順濟廟善利侯祈禱感應特加忠靖二字
敕某神朕固不為祕祠專鄉其福也至四方長吏有為吾民
請曰某山川之神能惠其境中則褒崇之典朕靡愛焉以庶
幾古蜡百神之義矧惟清江近在窠內而有司以報禮未稱

將侈大之用錫羨名以從民欲神尚終惠使世世享可

泉州仰山神特加父母妃施子婦封號

敕某神等朕固不為祕祠專鄉其福也至四方長吏有為吾
民請曰某山川之神能惠其境中則褒崇之典朕靡愛焉以
庶幾古蜡百神之義惟仰山之神禮以玉祀而自江以西猶
未慰滿是用推本父母施及子婦或隆品秩或衍稱號朕所
以寵嘉神貺以從民欲者如何哉尚終惠之俾世世享可

知平江府沈樸奏五龍靈濟廟乞加封第一位龍

王封東靈侯第二位龍王封西侯第三位龍王封中

侯第四位龍王封南平侯第五位龍王封寧侯

敕某神等朕雖不令祠官祝釐專鄉獨羨至四方長吏有為
吾民請曰某山川之神能惠於其方則褒崇之典朕靡愛焉
以庶幾古蜡百神之義矧惟五龍以時節雨賜功著近甸雖

良二千石雅不言機祥而具道所以然之故文詞爛焉爰錫命書秩以候爵則所以寵嘉神貺以從民欲者何如哉尚終惠之俾世世享可

懷安軍金堂縣進士黎崇禮年一百三歲遇大禮恩特補迪功郎致仕

敕某昔在元祐合祿于園丘之歲而汝以生於今五朝矣朕方奉觴兩宮為萬歲壽迺如高年甚心羨之爰因郊春登諸仕版以見吾貴老近親之意且以教天下之孝也可

翰林醫愈充 重華宮擺鋪軍兵醫治兼臨安府駐泊省醫邢守中到官及二年轉額外翰林醫痊

敕具官某天官之屬六十而醫命士二十有八人周家之重醫也如此再歲無失爰進一官此又吾家法也往服明恩毋怠爾事可

止齋先生文集卷之十一

